

天一遺書

國朝治河之畧首數斬文襄文襄之績得我浙陳氏天一之助文
襄前後疏稿皆其筆也天一既治河擬興溝田以裕西北乃工甫
舉而嫉者隨之天一發憤而死後文襄復起而天一死已久溝田
亦迄不能行此與明徐貞明事同一可歎者陳氏子孫哀替所著
不存今年夏高中翰丈即其家購求遺書則治河諸文稿故在因
裒而錄之題曰天一遺書故象濟得鈔此本以寄友人寅昉蔣君
其中河防述言為張需生作曾刻陸氏切問齋文鈔中而所言皆
天一事今不復區別夫國家大政至其敝而俱有不得不變之勢
此書之出其有天意存其間耶咸豐甲寅閏七月楊象濟記于杭

城之靜拙軒

防守堤壩工程善後事宜

一凡新築大壩上面鑲壓柴土尚未墊定將來大溜驟臨或乍經雨淋勢必灌虛蟄陷致令壩坑窪不平者有之務須勤加巡查即為補廂柴土修葺堅固平整庶免折腰裂縫之虞

一龍門埽前東西兩邊俱有椿扶鉤釘揪頭大繩不宜捲下順埽須相度機宜離繩尺許斜下如現有兩邊護堤邊埽聯接其揪繩處用軟艸廂填平整逐段層疊土些高不得太多致有攔繩裂扶之患

一護堤邊埽與大堤相為唇倚之處少有裂縫即用軟草細土填

實方免潰堤之患

一凡埽工墜土務須相機酌加柴廂每廂柴高一尺墜土五分不得太多致有土料不勻直沉入泥之病

一凡夾埽月堤之縫最忌雨水淋刷遇裂縫即用軟艸廂補以防土埽相雜之患

一月堤北面埽工即係本堤之防風務用柴土勻停加廂高厚以禦水波刀消之患

一凡加幫土堤必須遠取乾碎好土加意堅築不得混雜土塊致令鬆浮凡遇沙土之處務取遠處膠土封頂護助以防風揭蓋

因沙土遇水則如湯之沃雪遇風則如灰之簸揚也

一各處堤工每遇雨後夜以及水長之時嚴令多人往來巡查遇有鼠洞即用軟草深深塞住就近堤上乾土包壓嚴密堆成土坵切勿脚踹樁杵致令洩氣及有復潰不測之虞俟斷流之後或于堤頂或于堤腰挖至患處尋其水穴層層填土夯築堅實此截防法也倘遇緊急不得軟草即將衣服為權宜之用做法如前

一各處防險料物必須預先辦運堆貯工所繩索俱要預脩樁木預為削尖遇有緊急便于策應免臨事周章之悞

一凡遇堤工蟄陷倉卒搶救之時必權立主見按定成法不得混用蓆片木石之類反生他虞諺云不許水中胡擺弄只在堤上做工夫此之謂也

一河身上下凡有支河之處宜水勢消落之時飭行盡數堵截永斷其流務使水歸正河專力攻河則河自能深通可免汎濫之虞此河不兩行之法也尤可喜者支河一經堵斷則大河漫溢出漕之水不過蔓延灌注積聚於土堤之內不能成流汕刷堤根及至盈科後返水涸泥好即便淤成平陸諺云宜可堤根長沙坵不許堤根水成流是也

一凡加幫堤工不論內外務須離地十五丈以外取土每取土三十丈即留十五丈土隔一道不許絲毫刨挖以防堤根成河之患蓋內面成河則謂引賊入室外面成河則為開門放賊

一凡膠土所築之堤最怕雨淋倘堤頂堤腰遇有雨汕浪窩溜溝應取沙土填塞用杵堅築較比兩旁高出尺許方免復汕之虞斷不可仍用膠土蓋膠土性烈沙土性柔兩相揆和方能土脉貫通合成一家緣孔必塞往往試有成效慎勿忽略

一凡加堤其舊堤之草務要剷削淨盡則新舊二土方能連合庶免夾皮之患再鋪碎土一層厚八寸即做成一律平坦加以夯

礮堅實試以簽錐不漏方稱合式最忌收築堤頂形如壁立或用鉄鉞撲平或加土高至尺許方行動礮中浮外實或於堤根偷土翻上作堤有事堤工者幸留意焉

一 凡堤外所下防風原恐風浪撞擊堤根而設或捆埽由或加廂柴壓土務要時為查看小心保護為要

一 凡做成鉄心填台外用埽工內填土方其柴土相接之處務要留心巡查防守廂填補脩庶免倉皇莫措之患

一 凡汎水長發之時凡遇險要工段防守官弁除現存窩舖外務須多搭蓬蓆預脩簑衣燈籠火把等物帶領兵衆晝夜巡防晝

界分守來時補救此防微杜漸之要道也切勿泛視搃之治河之道雖無一勞永逸之法實有補偏救弊之策未雨綢繆故不見功亡羊葦籬寧不為過思之勉之毋怠毋忽

一凡挑挖引河其上首受水之名口必須正對頂冲下首出水之口必須地處窪下方可引溜入河暢然下注借其水力之冲刷以成深河水不入大溜必致水緩沙停自行淤塞

搶頂衝大略

搶救之法莫難於頂衝其力專其勢迫治上游則直來而不可遏截治下流則碍堤而不能舒展如堤外灘地尚相去大河百十餘

丈或百丈則相度水勢所射之處于外灘地內離灘三四十丈飛掘丈許深槽捲做高丈許釘埽埋入槽內用椿簽釘然河勢直來遇埽阻必下流其所埋釘埽須預擬形勢挨次自上游迴轉之處起順之性或百丈或七八十丈下至稍可展舒處為止庶臨期不致倉卒若離堤甚近則即於大溜內先下順埽保護一面仍於順埽水捲下釘埽均作大溜長短以定埽個多寡俟水勢稍灣則或用挑埽或用礮嘴照治埽灣之法自堪保固搃之埽灣頂沖之處莫善於木險之前先於堤內創築裡月以備不虞實為事半功倍至善良策但月堤宜寬宜遠下水更宜長以便轉灣不宜逼近大

堤耳

堵塞支河

支河有兩樣堵塞之法亦有兩樣如一種上有河形當河水初長時水即由河頭流入在灘內轉折迴旋遠者數十里近者十數里或數里仍歸大河此上有河頭下有河尾者也堵之之法當先塞河頭黃河灘地臨河必高靠堤必窪因此處既有河頭則不能如河岸同其高阜故一經長發由河分注且以有源之水長流於窄隘河形之內其勢必急若於灘地之河身內築堤橫截外高內低必致漫堤而過每漫一堤必衝決一堤非惟不能堵禦亦且激水

之怒以益寬深漸至妨碍大堤故先于河頭高阜處所擇支河有
崖岨之處約去大河百十丈或數十丈之內堅築內外大坦土堤
一條必須外垣稍做防風衆頭方為萬全其灘內一帶河身中亦
擇其淺隘處或相去里許或相去一二里間段做束水小堤如石
閘形各留中間口門數尺或丈許使水仍可通流庶河水初長未
及漫灘之時則河頭分流之水至堤即住堤外所留河形百十丈
不過數目立可淤平則河頭百十丈已極高寬非普面出清涓滴
無由分入矣及至普面出槽之時一帶河身復逐段有束水小堤
如水比地高則堤沉水內河內之水不過與灘地之水同一漫流

必漸淤漸積迨河水稍落縱使河身尚未全淤然水為束水壩所阻且上無來源河水愈退則淤填愈隘支河之至寬深者歷伏經秋必然盡成平陸矣

又有一等支河上源並無河頭因內地甚低當河水出槽之時滙歸於低窪之內聚而成溜日刷日深亦轉折迴旋於灘地之內或數十里及數里然後歸入大河此則無河頭而但有河尾之支河也如不為堵截恐年復一年河頭一成內地則窪更為難堵此種河形宜先於河尾內緊靠河岸高阜處堅築內外大坦土壩一條截其去路再於灘內河淺隘處亦間段做束水小壩惟中間留口

門又當有寬窄之別蓋此等支河必灘地內原有至窪之處數十頃即數頃者積滿之後然後由於最低處衝而成河故凡近窪地之頭一束水填須寬留口門庶使窪地之水不致漫跌其下各填則愈遠口門愈小而窪地必淤河形亦平矣

攔河壩

河不可攔填之所以名攔河者因正河上游長有河嘴侵逼大溜不能直趨正河而正河之傍或舊有支河或原屬窪地水惟就下遇坎即行且黃河灘地凡近地之處必低於臨河四五尺不等若不早為攔截勢必愈趨愈下日刷日深近溜各堤必立成新險正

河亦永不可復然致病之由始于河嘴似當於河嘴之上挑挖引河挽溜歸故殊不知新生河嘴盡屬嫩灘難施人力況此河嘴既能逼溜又河斷非僅長數里寬數十丈之小灘稽時費日及引河告成毋論果否有濟其保堤之費已不可勝計矣故急當正河有水之日或緊接大堤或倚靠高地稍稍斜向正溜初分交先築土堤一段或長一百丈或長百數十丈至水際為止其頂底高寬相機酌估但此堤兩面或應廂護防風或應捲下順埽以防汕刷為要其臨水堤頭一面則鑲做馬頭挨次進埽務將埽個進至大溜過半之處使支河之溜不能暢達自必仍分大溜歸入正河再看

正河之溜如下埽之後較前漸覺寬深則支河再進一埽如溜再增埽亦再進如此一閘一閘兩相照應不特故河可復新險可平即上游之河亦隨溜自去永無變遷之患矣如遇正河與支河分流之處去埽太遠亦無高低可就不能建立埽基則看兩河分流之中必有高地相隔俗語所謂龍舌者不妨將埽基移入支河下流一二百丈近埽之處創立如進埽之後水已入不能退回則於龍舌之上循順水勢開一引河亦必日見寬深護歸故道矣其進護埽之法亦照前例萬不可畏難終成害患也

挑水埽

凡建挑水堤宜於埽灣之上游相度水勢初灣之處酌量大溜離堤若干自河岨起約計大溜一半之處應築挑堤直長若干丈如溜急水深則宜自岨至溜全用埽個如估建直長一十丈堤面寬十丈方分大溜之半者則靠岨起手之埽應估下高一丈長二十丈埽一路外再一路減長一丈計長十九丈依次遞減至第十埽則共計長十丈堤面寬十丈之數如水深高一丈之埽不能到底則照底埽之長上加套埽一層或高九尺一丈或不必套埽廟埽亦可搃以堅固足資捍禦為主其上下水雁翅下水須比上水長十餘之三亦酌量斜長若干應分爲幾埽估計接下如水淺溜緩


靠岸頭埽則與頂溜門埽其長相等上下水雁翅或應下斜長順
埽內用廂填或止用廂填相機估做亦以下水之長比上水多十
分之三為度再加挑填一座大溜不能遠去可於頭填之下相去
數十丈或十數丈之處再做挑填一座接連再挑則水自開行矣
然兩堤相隔中間之空處俱須下戩頭樓崖順埽或一路一層兩
路一層二填之下亦應戩頭順埽樓崖約至溜緩處則堤堪鞏固
亦無迴溜之虞矣此係挑水大填若磯嘴填其做法大小相同看填之大小酌減至一半以下大凡埽
灣之處其未灣之先必頂衝直下惟前路為堤岸所阻不能前進
然後折而為埽灣故埽灣之處多在上游俱係嫩灘或去堤太遠

不能於上游覓妥當建堤之基不得不就大溜灣處建之又恐對
岸沙嘴逼近大挑則溜難舒展必致出而後返致成迴溜其為險
更甚則宜做扇面堤以挑之 扇面堤即挑水堤之圖而長其形
如扇面也下水亦應估截頭接堤順堤接堤係先次所下之順
堤即接堤堤也 龍尾堤係大頭尾小之形

魚鱗堤即小礮嘴堤或相去十丈二十丈重疊遙接如鱗砌者也
然此堤惟用于後邊拖溜直河或挽用于接堤順堤之內其頂衝
堤灣之處無所用也至于座數稀密在因地置宜而已順水堤即
名礮嘴堤又名馬頭專為吃緊迎溜處所如本堤水刷淘湧雖有


邊埽難以久持必須將本堤築順水堤一道長十數丈或五、六、七丈可遏水遠去數丈堤根自成淤灘而下首堤自涸矣安埽之法上首廟邊埽宜出將裹頭埽藏入在內下水埽宜退藏入裹頭埽內庶水不得揭動埽也如築長六丈高一丈用埽兩面埽之兩邊用埽兩行中間填土每行用埽三層共用埽十八个護堤根乾埽凡堤係埽灣處須預下乾埽以衛堤根需土多料少簽樁必用長壯入地當深

扇面大堤




堤

中挑水堤



堤

大挑水磯嘴堤



堤

此係硤嘴埧如水淺溜緩其埧靠堤與臨溜俱一樣丈尺上下系水雁翅用斜長順埧一路如釘埧二十丈者邊傍順埧分為兩個中間廂填雁翅下水宜長或二十五六丈抑三十丈俱可其水深溜急之處如臨溜估面寬十丈者靠堤下二十丈一路二路減一丈餘依遞減用十丈埧兩下三十丈則以十丈者三個中間廂填凡水勢埧灣于上游初灣之處相度水勢即下硤嘴埧以便挑水倘溜大激雖挑出對岸仍復折回致成迴溜恐傷堤岸應於下首再下護堰埧或數十丈數丈再接下硤嘴埧接挑則溜自然開行無傷堤岸矣亦有扇面挑水埧去門埧方角上下水廂填俱要長

圖使水不致激怒為要

挑掘引河

黃河埽灣之處對岸必有沙灘灘在北則南地險灘在南則北地險治之法除險要做硇嘴埽下護埽并餵築裡越之外救急之善莫過於沙灘之上挑掘引河為效甚速且河成之後險亦永平誠一勞永逸之計也然挑之畧倘有未安則糜費正復不少蓋黃河埽灣之處其大溜必直走險工一岸沙灘上游盡屬浸灘且灘地雖似高阜其沙灘之脚必自河底斜坦而上始出水面是水面之下尚有沙灘非人力所能挖掘者若貪近省費不遠尋河溜可接

之處安立河頭縱河已告成斷不能掣溜入流一經開放立見淤
填或因河不迎溜乃於兩岸做挑水堤以逼之若河寬堤短則不
能挑溜歸入引河終屬無益若大河原窄必溜急水深則下流既
扼於挑堤對河復阻以沙嘴勢必去而復返挑堤之下激成迴溜
倒崖撞堤變態百出是一險未平又增一險更費周折此未估挑
河之先當遠尋河頭不可草率者一也

又河頭既得之後自必依形順勢相度河尾以便估計然自頭至
尾一河之長遠者非數十里即二三十里近者不下數里如此綿
遠河灘之內能保其無忽高忽窪之處若意見荒亂不分高下一

概估定寬深將來開放之時高處必致淺阻窪處亦漸成淤填是以挑河面當加寬高處宜深窪處宜淺掘河面可收窄則費所當費省所當省兩合皆宜凡估計之法先於應掘河身內封土作堆以計丈尺估之時即於封土堆上用長竹各插望竿一條務使一律條順直達河尾不可灣曲曲者移之條順之後再用水平或三十丈五十丈挨次打量記明某段較某段高若干某段比某段低若干照依高低科算土方通核錢糧庶河無貽悞此估計之不可草率者二也

又估計既定之後自必按段分委人員其河頭河尾兩段必選平

日諳練之人方可委任倘初習學與不甚謹慎之人俱派委於河身之內蓋河之頭尾關係通工且河性無常消長難測苟素非諳練不知利害則輕忽從事倘一經暴漲或有坍塌則河未全完亦內注則前功盡棄故河之頭尾須寬留灘地或百丈或八九十丈仍積貯柴草以脩不虞方為萬妥此分工之不可草率者三也又分工之後自必發帑募夫若發銀太少則遠夫不穀盤用不能應募發銀太多則便滋花費後有累工欠帑之弊須酌量每河一丈該掘土若干方計值銀若干兩先發十分之幾以人夫之住居遠近牽筭每夫一名約先給若干每夫牽陰兩停工每日計出土

七分以丈計土以土計夫每日可出土若干先須運籌庶無賠累此撥帑之當斟酌者也

又人夫到日自必興工挑掘然不可先挑河土令各員責令各夫頭如分工二百丈者先撥夫四百名于河身兩岸相去數十丈之外順長掘小溝一條約面寬四尺深二丈段段相接自河頭直至河尾不過一日便可全完仍令各夫頭各覓木扶或門板木板于小溝上搭橋為路凡所掘河土俱令過溝外遠處堆起依順小溝順長堆積堆至各段之工兩相連接約高四尺後方令其往上再堆不許一筐棄置河邊被奸夫先填假埃至少尺寸如此則堆積

之土既可無假斫之弊且開河之日坍塌不過岸上水力能勝使土隨水去易於寬深而無積土壅塞之患即未經告成之先外有積土阻攔遇暴漲可免淹湯下有小溝通流遇大雨可以宣洩其初興工之所斟酌者五也

至于掘河又不可一律全掘如第一段長二百丈第二段亦長二百丈令第一段夫頭除河頭灘地一百丈外在所派之內留第一百丈不挑先挑第二段一百丈第二段夫頭之二百丈則先挑第三百丈又留第四百丈不挑將此兩段挑完之後然後第一段夫頭挑第一段一百丈第二段夫頭再挑第四百丈於已經挑完一

百丈與未經挑之一百丈交界處必留土梗一條約寬四五尺俟
未挑之九十五丈通身挑完之日方掘此土梗蓋因河土甚多非
計日可竣之工能保無連陰積雨有淹沒土塘之患故二百丈之
內先掘一百丈則雨水有所容蓄不致淹沒且可免車漚之費所
以於交界處仍留土梗者恐後之一百丈遇雨則又上下通連仍
舊被淹是以必於挑二百丈全完然後盡去土梗無水固妙即有
水以一百之水勻于二百丈之內水深不過一二尺始終全無曠
土摠無貽累矣此挑宜先後者六也

又全河挑完之日自必待大水長發開放開放之時須先掘河尾

平地十分之三然後率夫挑掘河頭蓋河尾無溜不能撞刷即單薄滲水尚易收拾若河頭先開河尾未完則水一進便恐淤填此開放之不可不慎者七也

堤工走漏

凡堤工當外灘長水之時忽然走漏前人有覆鍋塞絮之法然但可堵些微滲漏如或堤內有井穿確洞則外面似無大壞不知堤內已屬虛空一塞不止則再塞一覆不止則再覆甚至塞草色掘堤頂一陣手忙脚亂將浮面些需老土蹂躪溺却則勢如湧泉不可復救凡遇此走漏之處須細看堤外之水如不過淹堤二三尺

堤內平地不過比外地低矮一二尺過水不甚大者可飛調人夫
即於堤內走漏之處緊接大堤急築長十數丈或二三十丈底寬
八九尺面寬四五尺高五六尺小月堤一道攔定走漏之水勿令
伸腰出頭聽其流漏月堤內之空處則內外相抵不致過水矣然
後從月堤兩頭挨次用土實填於水地之內做成戲堤一道則可
保鞏固萬不可先於漏處用土加幫恐夫少則不能立成夫多則
必反損大堤致有前病此內堵之法也如或堤外水深五六尺堤
內平地又比外地矮數尺則倉卒相乘何能築此高厚月堤則宜
飛運軟草如無堆積之處則暫拆附近民房苦艸于堤外坦坡下

或十丈或數十丈挨次鋪廂隨用土層層加墊於軟草之上層土層土加至出水則漏自斷但來往挑土之夫只可于堤頂及草上行走不可傷着坦坡此外堵之法也此兩者係急救斷流之法水勢略退仍須掘開堤面尋出走漏空處層層堅築庶無後患

裹頭

凡決口初開急先下裹頭以防衝寬若時已暮秋水勢不甚汹涌則不妨就於衝斷之堤頭捲下埽個若時方伏秋水勢汹涌倘裹護太緊不但不能住且必更益寬深然亦無所其衝刷之理須相度情形將已斷之堤除去近溜地頭十數丈或二三十丈之內將

好堤掘斷與地相平或比地深一二尺將埽下於掘斷堤頭之內
湏如在大溜中下埽一樣簽椿加廟碁土并於上下水各分順埽
或二十丈十餘丈以防將來水到埽邊有拖溜迴溜之患及水到
埽仍須相機保護

合龍

堵閉決口至合龍時全河水勢正當故道尚未寬通旁流又復阻
塞進退兩難屈不能伸之日此時苟措置不周必致乘虛崩潰盡
棄前工凡揪頭滾肚以及椿抉等項檢點明白更調集人夫於相
去龍門十數丈之後兩埽台各積土百十方然後每邊再各進一

二埽廂填極穩萬可捲下蘿蔔埽以合龍門既下埽後飛即釘椿
廂填就近挑所積之土層層加髹約加髹埽已著底則連前近口
各埽亦一律加廂普面髹土至埽溜斷為率堵閉告成凡從前做
過各埽湏是靠堤起至龍門口止通身髹土深四五尺至廂填柴
草又不可一律鋪填如埽面寬十丈者上於埽頭埽尾向內各廂
寬一二丈其埽面中間盡自土髹埽上髹土愈重埽箇愈穩且將
來折陷亦可從來決口堵塞之後大溜必全歸正引兩河亦必去
埽工百數十丈之外似乎足資鞏固但近埽之處若有河形即係
窪地水勢一長仍必分流倘不早為預脩則外河嫩灘見水便去

填下壩箇日以腐朽一有變更便無從下手或裡口跌塘太深可
於外口約略長短再下順壩數十丈或二路二層或兩路一層以
護之如跌塘尚淺則于裡口建貼心堤以為內戢更須創築裡越
堤一道方為萬妥此又告成後必做之工程也

從來黃河衝決一次全河必受病一次及至堵合之後水勢不順
二三年內必有無數變局甚至另有衝決之處故決口告成後必
須細查全河之南北兩岸某處長有河嘴某處衝有支河某處改
移大溜各審其害之緩急輕重處處因地制宜築者築應疏者
疏務使河溜寬通堤工無碍然必須上下照應不可有此利彼害

暫利久害之病

探埽已未着地聽椿法

凡下埽須將已下之埽騷土廂填探明已經着地平穩妥貼方纔
往前再進庶無失悞但口門水深溜急難以探量即探量亦未確
實人有以揪頭之寬緊為準者殊不知此法只探得埽個之是否
着地不能知水底地勢有無高低所下之埽攔於高地之上揪頭
亦不必緊那知底處尚屬懸空如信為平穩往前再下及至再下
之後將近着地時懸虛低窪之處兩埽相隔勢必逼溜更緊漸刷
漸深終成後患惟有聽椿之法最為確實如所下之埽驗過揪頭

稍寬後將耳朵一隻靈靈貼於所釘各椿之上逐一細聽若下有
低窪過水之處深者椿必顛簸大淺者椿雖不動亦必聞水聲仍
須再加土牯務以毫無喘息為妥貼或壓至個個作哽咽聲亦可
不致汕跌矣

堵合漫口說

治河之道自古迄今舍順水之性別無所謂良法此智愚之所共
曉也獨至堵合漫口則曰漕運民生兩關重大不得不權宜逆治
此但知論其形未審其理耳黃河之所以漫決者非悞於不及隄
防必失於隄防太過奔騰下注原因失其故道所以橫流寔非本

性惟初決之時水勢初達所苦者在淺溢人心欲堵所患者在寬
深主其事者苟不能相形度勢於遏截之中仍留一舒展之地盡
力以制水水亦必盡力以勝人斷不免兩相牴牾變態百端曠日
需時堵合愈難而全河愈病故堵合之道雖凡所設施不能枚舉
然要其大端惟在主持者敬畏存心勿躁不急先以心會地之形
再以心會水之勢然後定謀決計循次舉行自然操縱得宜趨避
却合水亦無所逞其能人亦無所用其智兩相退讓而工亦告成
矣併述古法之必當師法者數事於後以脩臨時變通而採擇之
一堵頂衝決口凡決口開于頂衝者其堤必橫其溜必直既決之

後大溜必全入口門以下之故道既不行溜必立見於墊既淤則口門之水更急不得不掘引河以分其勢但直河之溜必達中泓口門對峙無近溜開河之處若不開河則來水一無去路何能興工下埽須於直河上游初轉灣之處尋覓引河頭蓋從來口門在北其直河初轉之處溜必在南口門在南其直河初轉之處溜必在北相定地勢估開引河告成然後進埽約進至已東住大溜十分之三即便將引河盡行開放使水分注則口門之溜自減埽亦易進矣如引河所分之溜不過十分之五口門仍受水五分之一引河隔口門路復遙遠則口門五分之一水已成入袖不能退回亦足

為患如不甚變更則照常接下倘有更變或引河河頭之下對岨有岨可就即於岨岨處建一大挑堤以挑之如無崖岨則於口門之下覓一地方再開一小引河以分此五分入袖之水則埽土自穩矣其堵合埽台切宜兩邊相對不可高下

一堵埽灣決口凡決口開於埽灣者其大溜不在口門之左必在口門之右如正河與口門各分大溜之半則不必開掘引河但於口門之或左右或相去數十丈或百丈大溜之上游建一挑水大堤如係灘地堤無靠身有高地則就高地即建堤一段接至大堤之上用順埽保護挑水使歸正河則口門水緩埽自易進

矣但埽台須上游少高下流稍下如初保埽灣日後漸成頂冲則當於初變之時飛即接長挑填或堤高上首埽台萬不得已亦開引河一堵疎防決口凡堤因疎防而決者其理原非頂冲亦非埽灣且高厚足恃去河復遠平素原不畱心祇因堤工厯年久遠或內有鼠穴雅洞井穿等項外雖堅好而內實空虛及河水淹漫滲洩日久則水由虛直入致成潰決如此決口雖水勢洶湧然究竟漫灘終與大溜有別但急下累頭俟汎水稍退流亦自緩不難立堵間亦有自行掛口不煩堵合者惟堤根之下舊有支河急須於方決之時星飛乘汎水未落水面尚寬晝夜疾堵若稍遲延則汎

水歸槽支河之溜即引入大溜變成至難堵合之決口矣不可與漫灘同論也

出馬頭

馬頭者即堵閉不埽之埽台最宜得勢得地則自始至終不煩更改埽亦穩妥如決口水之從中泓直下者所出馬頭其左右兩邊相去決口之丈尺遠近不妨相等蓋水從中來則兩邊埽台受水之力亦相等庶挨次前進終始各無輕重埽自平穩矣如溜自左來或從右來則不當溜一邊須離決口處較當溜一邊少遠數十丈或十丈及八九丈蓋溜從一邊來則當溜一邊其勢急其水深

必先出埽出埽三四個之後大溜必稍稍直下然後於不當溜一
邊亦挨次前進埽個大抵當溜一邊左堵合工程已成七八分
前其埽台俱湏比不當溜一邊上三尺四斜迎大溜帶挑帶堵方
能得勢然不當溜一邊未免受水漸重須當堵合工程已完七八
分之後則將當溜一邊埽個暫停前進讓不當溜一邊進埽與當
溜一邊上下長短相等則受水之力亦相等然後一齊崩埽及至
合龍無貽悞矣

上埽

如兩邊埽工堵之八九分光景內有一邊埽門之下因水急溜深

不能一齊進埽以致一邊上一邊下兩不相對對以合龍則於水急溜深一邊在門埽上水下長十丈順埽兩路即於順埽上另出馬頭往上一堤對定彼岸進埽則深溜在下龍口亦對而龍易合矣

下埽

堵合決口凡初動工時水寬溜闊不甚難下如貪圖疾速于埽未落底或缺頭滾壯無人看守聽其寬緊不一或椿木剉尖等項即便廂填壓土往前趁下雖一時不見有病然埽工愈多則水愈深溜愈急後下之埽全仗前下之埽堅穩結實方能倚靠若少有不

妥則從前之病一齊盡發或劈空墊陷或張裂折腰或走漏過水或門埽頭種種變態俱由此起故下一埽必須盤土加廂釘椿下扶俟此埽已經落底將繩纜檢點明白椿頭剉尖然後再進方無貽誤

下埽盤土釘椿有上水下水之分

堵合埽工大抵做到四分以上光景水勢便與前不同或溜從埽工上水緊靠埽頭冲下者則埽先須下上水一頭楸頭須着人守定然後下下水一頭其盤土釘椿亦先從上水起如下水有迴溜倒從埽上後尾冲入口門者則須先下下水一頭其盤土釘椿亦

從下水起

釘椿

凡釘椿不宜太直椿頭稍稍向裡一二尺然脚繩務必緊不然埽方浮于水面之上椿尖向外即堆埽離椿不可不慎也

釘撇絆纜

凡有一墩頭有一滾肚必有一枋前埽之力全仗此繩其繩即靠此枋釘枋細繩之後必須於枋後各再釘枋一根於前枋之上用繩絆於後枋之上方為妥當只宜稍長切忌用短

壓土托樓

三
埽既下後則須蓋土然蓋土須筐筐堆於新埽之上不可聽夫亂
倒堆入埽眼之內如埽大土輕不能使沉可於埽個近水一面用柳
或楷扎一小樓用小簍與繩帶住則埽面平寬可堆積矣俟埽眼
填好前埽已沒下十分之八然後連埽一律加廂普面蓋土

記扶頭滾肚

凡埽已沉水過半即使須加廂普面蓋土但此時埽個尚未到底
若揪頭滾肚不記明白即今料掩蓋無論此埽必不能穩即欲收
放從何處尋覓悞事不小須根根提出必各掛一木牌在繩頭寫
明凡埽揪頭滾肚俟埽倒地後方一緊掩蓋

走漏埽工

凡埽工走漏因椿頭未割或割而未尖者其漏無溜其水自半湫流出但於漏處掘開深三四尺必見此椿割尖掩蓋如漏有溜但窄細而無翻花此壑土離檔之故但於漏處加廂緊守楸頭多多壑土如漏有大翻花者若翻花離埽尾遠其漏大必係埽未落地加廂壑土自然平穩如翻花而溜大必係埽下有深坑因坑短埽長埽個橫搭於深坑之上故埽雖落底而水流入坑內從新自埽尾流出若不速治深坑兩邊漸沖漸長及至與埽相等則劈空下陷其埽立走急須于歸埽工上水先下邊順埽或長十丈二十丈

兩路廟填釘椿盤土如式然後將漏處用斧將埽砍斷直折到底見深坑層層用土搥土埽填之以填至溜斷為度

減水埽滾水埽

從來河勢變遷必由於積砂之弊弊之由必始於水急而溜緩故治河之要宜合不宜分宜急不宜緩若減水埽專主分洩似與河工有損無益可以無庸建設殊不知河之深廣確有定數水之大小莫可預期假如河面寬五百丈完其行溜之數至闊不過六七十丈至深不過三四丈其餘漫水盡係淺灘可見此五百丈內之水已足供衝沙刷底之用若當伏秋大漲必欲畜汎水於兩岸大

堤之內無論衝擊淹漫搶護不暇恐滋貽誤即河出槽之後縱使兩岍各有大堤然南北相去至少必數千里水一出槽勢必由寬就下四散分流徒足增水面寬闊緩弱正泓絕與大河毫不相涉是減堤之設非惟為保固大堤正欲分洩有餘合其力以送河也第建造之舉大非容易耳

造減堤事宜

減堤與滾堤不同減堤面與地相平過水多滾堤堤面比地高過水少減堤惟可設于河之南滾堤兼可設于河之北蓋因南岍自河南起下至江南內有淮河更蕭碭兩邑而東又多湖蕩均仍歸

淮河下抵清口其從來淮弱黃強黃漲之時淮不能敵黃則清河
倒灌每能阻運今以所減上游之水仍以濟下流敵黃之用誠為
一舉數得之工但建造之計少有不周則必致下淹民田上分河
溜為害無窮減堤之基必須擇內有田河或相去不遠之處即有
湖蕩外灘須相去大河十數里或二十里覓不高不窪之老土平
地查明每年盛漲時此處水深若干尺大抵水深一二尺者即可
用不可大窪其堤長自左至右至多不可過百丈自外至內至少
亦必寬八九十丈先將平地夯礮堅實於兩邊堤頭照建石閘規
模按原估高寬用石砌成金門及迎水分水然後於上迎水一面

於平地上照所估應長丈尺先釘鎖口樁六七路下口分水亦照
原估丈尺釘鎖樁八九路將樁所留內填面用夯礮密打極堅用
極熟礮灰泡篩潔淨以烏樟葉泡水熬江米作稀粥石灰內和以
黃土二分用粥湯兌入各搗極勻乘石灰潮潤之時挨次平鋪於
鎖口樁內填內平地之上每層約高五六寸稍乾即用礮挨次搗
打不可太重但以堅實平正為主如此普而鋪完於上再加一層
約共厚一尺一二寸則儘堪堅固矣至於每年冬月填面須蓋土
三四寸庶免冰凍萬不可因石灰不如石塊用石鋪砌石頭雖堅
必須逐塊輯湊即使打鑿極細水過之時必汕開灰縫漸及底土

一塊虛鬆通工盡壞不可救治故不如三合土做成整石一塊毫無空隙之處反永久也

造閘規式

一每間一座前用迎水裝頭牆長三丈三尺砌迎水雁翅牆斜長三丈并砌金門牆直長二丈四尺寬二丈四尺又砌各水雁翅牆三丈末砌分水裝頭牆橫長三丈三尺每岸砌牆一十五丈兩岸共砌三十丈 一牆高三丈應用雙料石二十五層連丁加工估用一尺二寸寬一尺二寸厚雙料牆石九百丈 一牆面石之內應用裡襯之貼地五層用裡石七路連上四層用裡石六路并上

四層用裡石五路又上四層用裡石三路頂上連漫石四層用裡石二路共用裡石一百五十路每路三十丈通共用裡石三千四百五十丈內墻石連丁加工計多用面石一百五十丈今應除面石一百五十丈又金門等處用石觀裡裏頭處應以砵代之再除代十分之四外實用一尺二寸厚之雙料裡石一千九百八十丈一代石之觀裡砵應長一千三百二十丈每丈用一尺二寸長五寸寬三寸三分厚之河砵六十塊共用河砵七萬九千二百塊一頂石橋每牆石一丈應用馬牙橋二十段三路共橋六十段三十丈共用馬牙橋一千八百段一木三截計用一尺六寸闊

圓木六百根 一入裡頂襯裡石每牆一丈應用梅花椿十一路
十二段兩牆共長三十丈計用梅花椿三百六十段十一路通共
用梅花椿三千九百六十段一木四截應用尺四五寸圓圓木九
百九十根 一金門底寬二丈四尺長二丈四尺計用底石四十
八丈迎水底前寬六丈四尺後寬二丈四尺長二丈計用底石七
十三丈三尺四寸分水底前寬二丈四尺後寬六丈四尺長二丈
亦用底石七十三丈三尺四寸迎水裝頭之前再添水前底兩邊
各比迎水底寬出一丈共寬八丈四尺長三丈計用底石二百一
十丈分水裝頭之後亦用添分水後底兩邊各比分水底寬出一

丈共寬八丈四尺長三丈亦用底石二百一十丈通共用九寸厚
一尺二寸之料半底石六百十四丈六尺八寸 一底石應用每
丈頂石梅荅椿十八段共用一萬一千六十四段一木四截計用
一尺三四寸圍圓木二千七百六十六根 一每石一丈不論灌
砌坐底牽用好大灰一石應運石到土盤窰現燒牆底襯裡共石
三千四百九十四丈六尺八寸計用火灰三千四百九十四石六
斗八升一每灰一石用糯米六升燉汁調和共用糯米三百九石
六斗八升 一熬汁每米一石用蘆柴三十束每束三十斤共柴
六千三百九十束 一計缸每口二錢 一計鍋每口五錢 一

灰羅每隻六分 一灰篩每面五分 一接灰桶灰岔木甑汁桶等
 項竹篾每斤八厘 一竹掃帚每把一分五厘 一蒜麻絆繩大
 者重百十斤小者四十斤 一大礮重百四十斤中礮重一百斤
 小礮重八十斤各部五錢 一盤礮一次不過用蒜五六斤盤礮轉
 打繩抬石等項用蒜五斤

一拉礮繩大者二十斤中十五六斤 一打辮子不過十數斤
 一雲梯一步用二尺四五寸闊木一根 一石匠鑿砌面石每丈
 三錢單料減半舊料一錢裡石每丈六分單料三分 一石匠鑿
 錠眼每個五厘錫眼每個三厘 一瓦匠砌磚每塊四毫 一繩

匠纜匠鉄木小爐箍桶等匠每日每名給銀三分 一椿埽手每
日每名給銀五分 一日計夫每日各給銀四分 一廠夫每名
日給銀四分 一船麻匠每名銀五分 一每石一丈不論車料
料半双料牽用石灰一石 一石縫每丈牽用抵縫油灰七斤
一每石一丈用灌砌石灰一石 一每石灰一石用糯米五升三
合土每灰一石計米六升 一河磚每塊牽用石灰一升
一椿木價值有漕規 一發頂每丈一路二十根 一關石椿每
丈每路用尺五圓木二十根一本截二 一填尾束水排椿每丈
牽用椿木二十四五根不等計用尺五六圓木每根用船縫油灰

四五斤不等 一馬牙椿二路用木二十根每地方一丈用椿相
機而行 一梅花椿每丈用尺四五圓木二十根一木四截

石堤則例

一青石每丈寬一尺二寸厚一尺二寸者雙料連運旱水脚共銀
一兩九錢厚六寸者單料連運旱水脚共銀九錢五分雙料叢石
九錢單料減半

一河磚每塊長一尺二寸寬五寸厚三寸三分連運旱水脚共銀
一分二厘內水脚三厘八毫 糯米每石一兩二錢
一石灰每石南石灰山價水脚一錢四分四厘 一汕灰每斤價

九厘 一生鐵鉸每個重四斤價六分 一熟錫每個重一斤價
四分 一鐵鉸每個三斤每斤三分 一牆面石每丈約用鐵錫
二個如九百丈計用一千八百每箇一斤 一底石每丈約用鐵
錠三個每個四斤 一擦鐵錠縫醬每斤一分五厘 一擦鐵錠
錫每個價一分五厘 一鐵繩三十斤鐵棍八斤熟鐵鷹嘴重三
斤慢錘十五斤以上鐵物每斤三分
一金門牆迎水雁翅分水雁翅牆兩岍共長十八丈每丈換去層
家應用鐵條一條扣住牆石以免外漲之患貼地五層之上鐵條
長一丈二尺連上四層之上用一丈一尺再上四層之上用一丈

再上四層之上用九尺又上四層之上用八尺俱一頭扣於牆石
之內一頭埋入堅土共計用九十條每五六七八九十斤不等牽
七十斤一迎水分水前後向用關石椿一路今改用關石三合土
緊貼底之處掘三尺深三尺寬之溝槽一道計長二千四丈八尺
內中填築三合土與底石相平計用三合土一十二方三分二厘
做三合土 每方用大岍三十担 黃土一百筐 楊槐藤六
十斤 每斤銀六厘或用烏樟葉

天然闊 砂積一方四錢 碎石一方九錢五分 單料一丈五
錢 双料一丈一兩 鑿光五面見線石每丈一錢五分 椿手

每工五分 每簽椿八根用匠一工

排椿工漕規

釘排椿每丈用尺五排椿木八根用尺一管頭木一根用尺五分
一簽釘排椿入土九尺出土九尺其出土九尺排椿內應用海盧
鑲砌每丈用蓋一百四十束椿手七名

一木匠植椿做勾頭管頭木每根銀四厘海盧每束三分
一拉梯搬料挖溝鑲蓋磬土一切雜作人工每丈用夫六名

玳瑁漿法

用江米六斗加白礬八斤用水三石將米熬爛然後下礬熬成稀

粥起在缸內用漿之時每一桶石灰漿加江米一宮碗三平半或一碗如減省加黃土三一八在灰漿則又節省又堅固

建造石工

一斷木宜設一版凡有闕頭木屑俱可留之熬汁若不收貯必致星散其稍頭長四尺外者俱可留作陸路梅荅椿用

一斷木時必須自看隨意抽本十根斷馬牙椿若干便可計數雖無人者亦知其數免版夫匠人作弊

一每斷木若干斷馬牙椿若干樑荅椿若干一一登記藉以稽查並知煞椿數免椿手浮冒開銷

一拋土清須靠排椿離遠八尺庶不漏水細較水平依子塹即堤一丈三尺深入老土五六寸不等為度口面寬一丈三尺底寬六

尺漕宜坡始無坍塌之患

三

一每日計夫須除扛抬若干班外其餘散夫預令夫頭給其腰牌上書夫頭之名每早收夫只取其牌便知人數午後再將厚牌見人給之倘剩下即知人數齊與不齊晚間收夫仍將原牌收回數如與日間符方免以少報多之弊每日早飯後即令夫頭先報名數單以便不時查點恐奸滑之夫躲懶午後方來不時查考乃杜奸之善策如有午後風雨夫散仍令夫頭計分數另換報單入簿計策

一宜不時巡察愈勤愈好夫匠加意即管工人後亦必留心倘夫

照應反多糜費滋事

一量石開時即宜將單長筭出以便有數免却浮冒

一收磚上方須令人坐看恐有半塊在內點明畫印後下船細按餘磚盡數留下否則恐以拾來半塊不入數之塊磚抵換整塊歸付窰戶半償而售其弊宜絕

一隔十日半月須令人收拾堤下滾散磚塊失却一塊便費數文積少成多大有裨益

一場中所收料物務宜隨時印記免致日後將料物涸賴省費唇舌

一下汁米宜令人看下攪以石灰免盜汁之弊

一熬汁用夫二名內接灰夫一名兼管冲灰勿令其在汁房炊爨不特省柴且杜色攪替夫做飯糜費柴料

一汁房宜潔淨如有婦人來看穢汚等事熬成汁米上則成皮下則成水即無用矣倘遇此等怪事急宜香燭化皮解之

一常建造大工各匠役雲集其中賢愚不等人多則易滋事並有賭博酗酒甚至火燭堪虞關碍不小宜每夜不拘時候巡察并免散匠逃走慎之

一打樁必須樁頭向水為上直下次之樁尖向水不獨無力兼防

久後冲刷之患

一將下椿之時先令石匠緯線然後埋脚木方不灣曲方令打椿
一凡任意不得逐出椿手宜令其自行挑選人人用力均勻打椿
方不蓬頭椿打蓬頭不但無力且易於朽爛萬勿信椿手之言以
地硬之故必須先期曉諭如打損重責遇有犯者責一儆百并鋸
手毋許擅自下塘

一砌石務令一律收分必得八分為準不得任意出入難以觀瞻
牆面宜直毋許後山塘高以致前撲貽害非淺萬勿聽其明收暗
收之說

一坐縫起槽自然無隙頭縫最是要緊看縫之人更宜揀選勿貪
小利而害大勿因怠惰而誤事縫宜勤看為主勤看易於收入懶
則必致折碑折石既費料物又費匠工頭切忌八字須預曉諭忌
不許以錫鉄脩補縫力宜窄而薄

一發椿先向公館取票發馬牙椿若干樑花椿若干赴廠領椿下
塘晚間令廠夫繳原票報單一同送查免以少報多之弊

一襯裡石潤不可疎密不可過疎則表裡相離過則灰汁難灌外
面宜先用條石封尾內則灰頭拌汁灌緊再加礮灌透自然粘成
一片

一砌碑宜疎不宜緊須令砌碑之人以碑小面向上自然有隙相乘不但汁易灌到而碑亦省無數矣砌碑又各付一四尺八寸之尺再無短少之虞

一灌碑尾宜用篩過之灰灌用末汁宜稀不宜厚稀則易入厚則浮面費灰再用小槌搗開灌之更妙篩下灰頭灌頭縫用灌灰之人先付小槌一把鉄鈎一把

一錠錫先付某石匠若干付以小竹牌若干上注某某匠錠錫一個一同付發臨下時須叫管工人驗明收牌記某層以便登記帳目設立此法不但易於考查且杜偷錠錫之弊錫係熟鉄可以換

蝕不獨石匠要偷卽夫役亦要偷

一七層八層海漫尾上填土須跑牌買土較日計夫省

一熬汁宜老宜宿須冷定方可用熱則不粘且入灰清

一砌石宜令石匠先以寬為主若隨意砌去必致尺寸不符預先

以寬厚相乘海漫更為易選

一石到卽須選起可以做海漫之石庶不致臨期費事然亦得運

石源源而來方可挑選若匠人等石鑿鑿則却不能矣

一預先較準石尺一丈零八寸長砌至幾層以此丈尺量之計其

高低以便乘除庶完工時不致短少丈尺

一凡各夫匠散銀之時須先取其領狀然後發銀隨時登記流水帳內次入本人名下宜注清小脚更有同日發銀更宜注明又發字樣以杜奸頑日久潤賴

一鉄繩鎖石甚不合算易斷即令鉄匠逐日跟接不勝煩散且工價大不可小算擬繩頭用一圈使箆作橫拴得以常用較之鉄鈞勝多矣

一椿子用礮雖晴天礮亦許放塘內過夜或經雨露礮繩解易爛換麻繩亦須驗過或換小扣或換粗解或通身全換看明發麻免弊

一每日抬扛諭扛多寬令謹慎之人持杖押之免躲懶如扛多須
二人爰押

一每晨鳴鑼集夫早晨作三分工鳴鑼放早飯飯畢則鳴鑼催夫
上工至午再做四分工仍鳴鑼放午飯飯畢即鳴鑼催夫上工午
後至暮作四分工收牌放暮

一用最宜妥當天下有治人無治法得人則諸事奉行不得人雖
有善法何益哉

一裡石必須揀不可作牆面之石用之萬勿聽石匠之言令扛夫
亂扛吟咐押扛人照應

一匠人每每暗損主人作料各匠皆然石匠倘不如意即亂用錘將好石擊壞須在看工人冷眼覷之亦須曉諭為先亂損材料者重責

一籊汁桶等項須吩咐做傢伙之人靠底起棹方可經久不然用起便脫殊為費事而且誤工

一挑土梢靠椿先以笆對頭重搭吩咐撩土之人不得任意以飛土打笆否則笆塌又用重加較笆六十塊方是一工計笆算土更為省事

一工上凡有料物或要移動可令散夫上工之時或放飯之際各

帶一件移某處積少成多便省多費

一每日塘中需用傢伙臨晚須着經手之夫送回廠房或汁房安貯不得丟在塘中以致走失

一執事人役須派單粘貼各司其職以免臨時推委

一工上固雖小道必須立一賞罰庶可勉勵神而明之在乎其人似不必過于饒舌也

一下石流繩必須看塘之深淺繩之長短如下大石須使雙繩方免斷損及撞損牆工之患石宜直下切勿使其橫放打滾滾則流繩易斷直則萬無一失

一下椿之粗細不用一律粗下第一路中第二路下第三路梅花亦然不得過四尺八寸之外外則土無用矣

辦石各地價

魚臺黃山錢每丈雙料三錢六分

虎蹄山每丈雙料三錢六分

江南荻港錢每丈雙料三錢六分

呂梁山家山每丈雙料三錢六分

邳州劉家寨石灰每担五錢

儀真龍潭石灰每担八錢六分

鳳陽上窑裡窑石灰銀一兩有二十多錢

黃水築堤須離岸三二里切勿逼水以致易決至於取土宜遠切勿傍堤挖土以致成河積水必損堤根

算法

塼物法

從腳下起每層少一個
直塼至頂一個方止

如脚底闊二十五箇即已脚底闊

二十五個加頂一個共二十六個為法即得實數

度影量木法

如樹一株影長四丈八尺隨立一丈丈竿如影長

一丈二尺即以樹影四丈八尺為實以竿影一丈二尺歸之得樹

長四丈矣

散堆筭引法

每方一尺積
四十一斤

今有散一堆長一丈五尺闊一丈二

尺高六尺五寸問該若干斤答曰四萬六千八百斤

每引三
百斤

問該

若干引答曰一百五十六引

水龍格式 三十丈起四十丈止為龍 二十丈為把子

龍頭對插

頭塔名鴨嘴

二搭至二十五六搭

封稍止

每搭拖長一丈二尺

在七十八塔之中間內有

如三十大丈封稍即三丈寬

每搭加寬一

丈

每搭加寬一

丈

去根

倘四十八塔封稍有四大寬

不丟搭

搭而

言之

龍

映有

一

丈

下一層名棋盤底

上一層名標頭

三層龍骨

四層橫樑

裡外風可斷

五層面木

六層蓋面扁樑

龍頭前用木二根

油紅色

封稍處用水四根

油紅 萬年椿之

前 名曰童子類

名曰萬年椿

用旗杆二根

有旗二面

頭稍分中用

驚架八個上用小鈴扎四十丈加色筐七塊加二塊四塊均加三

竹四箇木筐中用犁木七道丈每用三根四十腰犁二道 鐵犁三

道 橈子 枕木 鉤火 毛竹廟色筐 坎 犁頭 犁木

點木 升官木 行江纜即什龍筋亦 丈紵 操把纜 鼓纜

子篾 鐵稍犁 鐵犁杖 蔴 桐油

每搭騎標一道至封稍止

題定各項清規

凡購用葦柴每束 九月至三月照三十斤收 正至四照二十

六斤收 五至八照二十二斤收

徐屬 邳睢二分五厘 山盱二分四厘 宿虹揚河運河江防

供二分二厘 高堰桃源裡河安清二分一厘 山安外河海

防二分

凡購用正草除兵草例不開銷錢糧外

淮徐道屬五廳每束重六斤二厘六毫

淮陽道屬九廳每束重十斤銀六厘

凡購用柳株每束漕重八十斤枯重四十斤銀三分如撥用山東河南協濟每束止給水脚銀一分五厘至於兵柳例不銷算錢糧

凡購用絲麻每斤係 前河帥齊 題定

淮揚道屬五廳一分三厘

凡購用正稽每束重三十斤銀每斤一分 淮揚道屬無

堤河土工方價

乾地挖挑河工每方銀八分如有積水加岸水銀一分五厘創築加帮堤工并填填搭埽等工土價分別遠近乾渾難易入則

一近處乾地取土每方銀二分五厘

遠處淨地取土每方銀五分

遠處乾地及近處淨地取土每方銀三分六厘

堤根有積水坑塘估遠越乾地取土每方銀七分

隔河遠處淨地取土每方銀九分二厘 水底取土每方二分錢五

總河白 題徐屬邵睢宿虹三廳照前減十分之二 桃源外河

海防山安運河安清六廳照前減十分之一 餘照前不減

椿木消規

不登尺木牽長一丈一二尺内外不等 徐屬九分邵睢八分八厘

宿虹桃源八分六厘

江防二錢 分

尺六木牽長一丈八九尺不等
徐屬四錢五分
宿桃四錢五分
碑雕四錢四分

四錢三分二厘
楊河三錢八分
山安海防二錢四分
外河

三錢九分五厘

尺七木牽長一丈九二丈不等
徐屬五錢七分
碑雕五錢二分

八厘
楊河五錢五厘
山安海防二錢九分
碑雕五錢五分

尺八木牽長二丈至一尺不等
徐屬八錢五分
山安海防六錢六分
碑雕六錢四分

錢九分一厘
河六錢三分六厘
山安海防六錢一分六厘
江防三錢八分

分九

二系四厘 外河錢六系五厘

尺三木牽長一丈五尺六尺不等 徐屬二錢七系 邵賸二錢七系

河二錢五系六厘 一厘二錢 六厘 二錢 外河二錢 五系九厘 運

山安海防安清二錢一系六厘 六厘 二錢 三系 揚河錢四系

三厘 江防錢四系一厘 二錢 一厘 二錢 三系 八厘 宿縣三錢

尺四木牽長一丈六尺七尺不等 徐屬三錢一系半 邵縣三錢

二厘 程河二錢四系三厘 三厘 外河二錢四系八厘 宿縣三錢

安清二錢三系三厘 三厘 三錢 七系七厘 七厘 海防

防錢七系五厘 三厘 三錢 四系 揚河錢七系七厘 山

尺五木牽長一丈七八尺不等 徐屬四錢六厘 邵縣三錢九系

江甌防六分八厘
裡外河安清上安海防楊河高堰山盱俱七分

尺水牽長一丈二
三
尺內外不等徐宿虹二
分
源錢二
分
七

河錢三分三厘
裡
高堰山盱錢三分
外河一
錢
零
一
厘
山
安
海
防
九
分
三
厘

防安清錢六分三厘
九分

尺一木牽長一丈三
四
尺不等徐河錢七分
一
厘
邵
州
宿
虹
六
分
六
厘

六分三厘
一
裡
河
錢
二分六厘
外河錢二分
八
厘
零
九
厘
山
安
海
防
錢
六
分
三
厘

安清錢六分九厘
錢
六
分
七
厘

尺二水牽長一丈四
五
尺不等徐屬二
錢
三
分
源
二
分
錢
二
分
錢
二
分

河二錢一分
裡
河
錢
六
分
三
厘
外河錢二分
六
分
半
厘
山
安
海
防
錢
六
分
九
厘

二尺五木牽長二丈七尺不等徐屬高堰山時二西三錢二
兩二錢三分七厘運河二西八錢四分八厘山安海防安清二宿二
錢八分一錢三分四厘防九錢五分四厘河二西零九分四厘外可
二西一錢三分四厘

二尺六木牽長二丈八尺不等徐屬四堰時二西七錢二
分二厘揚運河二西六錢二分五厘山安海防安清二西五錢二
分八厘河二西八錢八分四厘

二尺七木牽長二丈九丈不等徐屬五堰時三西一錢二分
五分九厘運河二西九錢六分四厘山安海防安清二西九錢九
分二厘外河二西八錢七分二厘

二尺八木牽長三丈一尺不等徐屬高塘山
四錢二分七楊麗河三兩九錢六分四八山
錢二分五楊麗河江防一兩五錢四分八山
錢一分三

二尺九木牽長三丈二尺不等徐屬
大上堰運河三兩八錢六分六山海安三兩八錢二分五河
揚江一兩八錢四分八錢六分六山海安三兩八錢二分五河
錢四分三

三尺木牽長三丈二尺不等徐屬
二運河四兩四錢六分二錢五分山海安四兩三錢八分六分五楊江
四兩二錢

[illegible]

[illegible]

[illegible]

| | | | | | | | | | | | | | | | |
|--|---|--|--|---|--|--|---|--|--|--------------------------------------|--|--|---|--|--------------------------------------|
| 山 海 安 十 七 兩 四 錢 六 分 | 系 四 運 河 志 兩 錢 六 分 | 四 尺 八 木 牽 長 五 丈 一 尺 不 等 五 徐 | 山 海 安 十 六 兩 七 錢 九 分 | 七 運 河 志 兩 錢 九 分 | 四 尺 七 木 牽 長 四 丈 九 尺 不 等 四 徐 | 山 海 安 十 五 兩 七 錢 九 分 | 系 八 運 河 志 兩 錢 九 分 | 四 尺 六 木 牽 長 四 丈 八 尺 不 等 四 徐 | 山 海 安 十 四 兩 八 錢 六 分 | 七 運 河 志 兩 錢 六 分 | 四 尺 五 木 牽 長 四 丈 八 尺 不 等 五 徐 | 山 海 安 十 三 兩 九 錢 五 分 | 系 六 運 河 志 兩 錢 五 分 | 山 海 安 十 二 兩 一 錢 五 分 | |
| 外 河 十 七 兩 三 錢 七 分 | 裡 河 十 六 兩 九 錢 八 分 | 外 河 十 六 兩 三 錢 九 分 | 裡 河 十 五 兩 四 錢 五 分 | 外 河 十 四 兩 五 錢 四 分 | 裡 河 十 三 兩 六 錢 三 分 | 外 河 十 二 兩 七 錢 二 分 | 裡 河 十 一 兩 八 錢 一 分 | 外 河 十 兩 九 錢 分 | 裡 河 九 兩 一 錢 九 分 | 外 河 八 兩 二 錢 八 分 | 裡 河 七 兩 三 錢 七 分 | 外 河 六 兩 四 錢 六 分 | 裡 河 五 兩 五 錢 五 分 | 外 河 四 兩 六 錢 四 分 | 裡 河 三 兩 七 錢 三 分 |

六歸蹄之計土七萬二千四百八十三方三分三厘三毫零

飛蹄歌

| | | |
|---------|---------|---------|
| 見一加三下四隨 | 見一為五下除二 | 見二作八隔位八 |
| 二十四上一飛蹄 | 逢三進一連二五 | 三十六上一歸半 |
| 四十八上未二子 | 逢六進二身加五 | 七十二上進三株 |
| 八十四上三歸半 | 逢九進三連七五 | 九十六上須進四 |
| 一百零八四歸半 | | |

飛蹄法

見一為五下除二 二十四上一飛蹄 見一加三下四隨

九十六上須進四 七十二上進三株 四十八上來二子
見二作八隔位八 見一為五下除二 四十八上來二子
見一為五下除二

還原

五乘一二 七存一六八 八存一九二 二退四八 三退七
二 四退九六 四退九六 一退二四 五存一二 六存一
四四 九存二一六
算地畝每步五尺計二百四十步為一畝如地長六十步寬二十
步先將寬長用存法二六十二計算一千二百步再用二歸四除

計地五畝如地長一百二十步寬四十步將寬長用存法二四如八一四如四計算四千八百步用二歸四除計地二十畝如有東西地一段東寬五十三步西寬五十四步南北長一百廿四步先將東西總共一百零七步對折牽計五十三步半再將南北一百二十四步用存法計算六千六百廿四步再將二歸四除計地二十七畝六分七厘凡算地畝用飛歸為上用此法亦不錯學者細心考較而自明矣

飛歸法

如地長六十步寬二十步寬長用存法計一千二百步用飛歸法

見一為五下除二計地五畝

黃運兩河紀畧

蓋聞治河之法雖殊其要不過因勢利導以水治水而已四海之內有四瀆焉為淮為濟為江為黃順其性而資其利拂其性則受其害自國家定鼎以來燕山歲漕取於東南其攸關運道民生者惟黃淮為最要黃之發源于崑崙濟之發源于王屋江之發源于岷山淮之發源于桐柏載明興圖姑勿具論試就黃運兩河情勢而言之黃河自三門七津以下南合伊洛瀍澗北淮濟渙沁丹奔騰東注浩浩蕩蕩一入孟津地當孔道民社稠而城密土性鬆

而冲決易凡水急則沙行水緩則沙停當伏秋異漲之際使無堤以障之勢必至水行於地上矣於是乎有遙堤焉縷堤焉黃水泛濫因遙以汰黃可無漫溢之虞黃水歸槽藉縷以來黃可免淤墊之患耳談使諸水並漲有迎溜冲決之處非一堤所能捍禦則捨築趙格等堤為之重門考南岍堤工起於河南之滎澤止於江南之山陽其沿河經厯豫省屬開封上南河廳者為滎澤縣為鄭縣縣北臨河有閘通賈魯河其東為陽武縣南岸為中牟縣屬下南河廳者為祥符縣為陳留縣為蘭陽縣為儀封縣屬歸德府管河廳者為考城縣為商邱縣為廣城縣迤東接江南界屬徐州廳者

為碭山縣縣東有毛成鋪開洩異漲水入小神再東為蕭縣為徐州西有五家山天然開洩異漲水入馬家湖以上各開諸湖志歸洪澤湖出青口又東為靈壁縣為睢寧縣屬宿虹廳者為虹縣為宿遷南岥有北洋河祥符間通歸仁等三開河水盛則開放洩水入黃河屬桃源廳者為桃源縣屬山清外河廳者為清河縣對岥有張福等口通洪澤湖匯黃迤東有運江入裡河楊河通江為山陽縣清江浦河北維安東縣對岥通西坎歷十巨由葦蕩入海北岥堤工起於河南之武陟止於江南之安東其沿河經歷豫省屬懷慶府沁河廳者為武陟縣正南廣武山對岥沁黃交匯處屬

懷慶黃河廳者為武陟縣秦家礮馬營口為榮澤縣北岍屬開封
 上北廳者為原武縣陽武縣封邱縣屬下北廳者為祥符縣北陳
 留蘭陽儀封北岍迤東接山東界屬黃河廳者為曹單縣東接江
 南界屬徐州廳者為豐碭縣北岍有李道華家樓九十里洩異漲
 水由石林口入微山昭陽等湖其下為呂梁洪屬邳睢廳者為舊
 邳州仍屬宿虹廳者為宿遷縣縣西有駱馬湖口匯黃上達加運
 下通中河屬桃源廳者為桃源北岍屬外河廳者為清河縣山陽
 縣北岍有鮑家營洩異漲水由鹽河入海屬山安廳者為山陽北
 岍為安東過雲梯關下九曲套由青沙紅沙入海三省堤工幾二

千里勢有曲折濬洄險有掃灣迎溜 若北岍逼近運道猶可加
意防閑何則上源決 下流墊塞決之後非數十年汕刷不能復
元或建築堤工埽填以禦其冲或開挖引河灘嘴以分其勢必使
旁無奪河之隙然後水行地中由是而漕艘進瓜儀出運口入中
河漑入開通漕汶會漳衛下天津湖流而達通倉豈非堤工為之
保障哉是黃河順軌而後運道民生安焉矣淮河自光縣以下厯
江南壽泗等州合七十二山河之水同入於洪澤湖由張福口天
然河張家莊裴家場帥家莊瀾泥淺三岔河等七處出口是為青
口即淮黃交匯處復折而東為甘羅城即運口下天妃閣過清江

浦經淮安歷高寶達揚州出瓜儀通濟江運成於高堰清口是賴
考高堰險工自運口武家墩西南起至秦家高崗止計長八十七
里有奇其名爲史家占爲高家堰爲六安溝爲二門爲老堤頭
爲小黃庄爲禹王廟高良湖龍門大閘潭相公廟爲清水潭周橋
古溝又西爲滾水北堤塘埂大堤滾水中堤爲夏家橋滾水南堤
天然二堤舊名六堤又西爲蔣家堤翟家堤堰東爲淮揚一帶運
河河之西爲清蕩河爲平湖白馬湖寶應湖化光湖界首湖高郵
湖邵伯湖河之東爲溧陽湖艾陵湖得勝湖廣陽湖射陽湖萬一
洪澤湖水漲滿恐防工則量開天然二堤俾水由卅字河下高寶

邵伯等湖溢入運河或由高郵滾水車邏等填入射陽諸河下海
或由江都之人字湖芒稻湖入港口下江惟是上源無傾倒之勢
而下流免橫流之灾若堰工修理不堅一遇異漲即有冲決之患
非大開六埧不能保守堰工淮既建瓴而東注黃即乘虛而逆流
由是青口淤墊運河梗阻而下河之高寶興泰山鹽盡飽魚腹矣
必也建築高埧緊閉六埧俾淮永不旁洩黃水不倒灌然後清運
暢流東南歲漕數百萬得啣尾而轉轉輸淮揚兩郡農工商賈得
以安居而樂業者非因勢利導以水治水之力乎司河者果能因
時制宜綢繆未雨將見歲歲安固億萬年永保安瀾也

約言六條

修建大工要甚重物料設立廠房以稽出納椿繩纜扶各有所司
用則檢點而出不用則照常封貯日間查點烟火夜間巡防盜賊
凡下埽要埽盡寬坦庶撈拉舒暢且省人力拖挖埽槽要深淨一
切樹根斜橫之物以及舊椿爛埽務要刨淨以防新埽橋欄不能
平墊致成匯窪之險至於藏頭門埽最吃緊下時要相度情形繩
纜椿扶必須倍用倘衆頭少不如式定有串水揭頭之患若遇深
水過埽之處尤當甚重險要上程下一埽要得一埽之力寧可謀
而後動以保萬全慎勿輕率致生他虞埽未着實不可即早發椿

要揀選堅實圓直之木切忌灣細空朽之材一或不慎不惟不能
得力於目前正恐貽禍於將來簪椿之時務囑其靠山勿任其陡
直恐一遇蟄陷椿頭出張即無力矣臨河無不蟄之埽工險時慎
勿荒亂要省形勢輕重相機搶護若料物人夫湊手臨時調度有
力自然化險為平矣初下之埽所重在看守揪頭釣戰留扶之人
要鬆緊得宜時刻小心方無錯悞蟄陷之工猶洞串水漬堤裂縫
埽箇抽撤物料此責在守堤弁目日夜巡查預防無懈遇險則竭
力搶護庶可易危為安一切綢繆未雨臨時自無周章之患上下
戮力同心雖險必無意外之虞所謂章程定而靡費省賞罰明而

功效收矣

一築堤

一築堤不可草率也未築之先宜相度情形須擇高阜老地勿近窪下河形蓋地高多好土地窪多浮沙丈量估計之時須用水竿打探逐段分別高下樹立封墩假如估堤高一丈頂寬三丈宜寬九丈此六收之法也忽過一段較兩頭地勢窪一尺則將此段估高一丈一尺頂仍寬三丈底寬九丈六尺窪二三尺者照此遞加庶堤上告成得通長一律即使水至堤根亦無窪下漫溢之患凡堤有縷遙越格創之臨河者曰縷離河遠者曰遙遙單薄而為之

重門者曰越越有裡外蓋在因時制宜間於遙越之中者曰格慮
河勢變遷臨河堤工萬一失守水過格即捍禦也大溜逼近堤根
欲為捲塌之基或堤工有滲漏之病於背後幫貼者謂之裡戢臨
河用牝羊坡一名走馬坡是外坦裡陡四二收分便於下埽也遙
格則為馬鞍式內外平收可也至將築之時先委明白工程官一
員監築然後分派承築各員須用封墩號寫官銜跋落寬高丈尺
令承築各員先將本土地上行碾三四遍再加新土是平地之病
根已除他日可免墊陷滲浸此後每層須用潤澤散土勿用焦乾
大塊蓋潤散則遇碾即固盛水不滲焦塊則夯碾不膠遇水即漏

以虛土八寸行礮五寸打實三遍如此層層到頂必能堅固又虛
兩坦礮力不到務用散潤老土普面蔓蓋數寸行礮五遍播種草
子經春草根固結庶無水溝浪窩之患雖估計有水旱遠近之別
第礮工甚要鉅若將簷頭覓礮亦足以完工公築堤者止可令夫
頭包土不可令夫頭色礮恐其厚土坯而惜礮力也至初覓土必
礮行一律再加二層土方免虛鬆之弊又往往一工之內數名夫
頭色攬承築即分為數段恒有狡猾之徒於交界處所各留尺餘
不肯做足彼此推諉致成合漏及至工完始將合漏一工一披作
成夯礮不到雨過即成水溝眠牛藏象之病實基于此務令監築

官遂段遂層積查試驗不許留有合漏遇有交界相接處押令加土行破庶無貽誤又築最忌流沙及冬夏二季流沙遇風即飛遇雨即坍倘本土並無好土於築成後亦必遠處尋覓老土三面各築蓋五六寸行破數遍方免剝削單薄之病夏月土鬆易蟄臨冬月土凍不能凝固非緊急搶險擇二三四八九十等月農隙土堅修築得宜若夫增卑培厚尤當加意稍不經心必至新舊不膠難資捍禦加幫底寬若干即照平地行破若干寬將老堤坦坡樹木草根剷盡坡上即砌成階級樣子每壁寬尺餘新舊土層層犬牙相吞如是平頂將頂上草根剷盡頂上挖透半畝俾新舊聯絡然

後普面逐層加高可無蟄裂之患矣

二修守

修守不可輕忽也新舊堤工宜未雨而綢繆司河員弁宜冬末春初百蟲起蟄之後往來堤上細看兩旁坦坡遇有積雪凍之處以及獾鼠爬掘之跡並指頂大小窟穴即令兵夫用鋤挖透復以新土大則行礮小則夯杵春修既堅後值大雨時行葺草盤結即無水淋之患凡堤頂雨過有窟名曰井穿此因築堤之時或係冬月凍土或係膠泥大塊壘砌成堤礮力未到橋欄棚架於中百蟲乘空鑽入大雨一過即成井穿由頂及坡深四五尺不等始則大如

築斗填蟄不如其法愈冲愈大竟有填蟄數方而不得滿者此臨
 河水漲時多有冲决之害也填時須將井穿內浮土淨行挖去仍
 於周圍各挖五六寸至出水之處至四面無空缺而止先用夯杵
 逐細杵打數遍并加新土數寸着實杵打如是層層夯填與老堤
 相平後另用碎土四五寸覆蓋井穿之上並蔓老堤四圍各尺許
 庶徐徐填平再而不得滲漏矣填水溝亦依此法方能一勞永逸
 切不可用柳稍爛草填塞亦不可用膠泥大塊補墊恐墊虛懸為
 確鼠之穴成異日之險要至確鼠之法亦宜急講凡確有行住之
 分舊堤多住確新堤無隙可乘則行確不能成窟住確有用大杵

陳棉同搗於洞中燃烟熏之者有覓獾捉捕之者有張小網於洞口兜之者其法不一運用在人若捉鼠有用地弓鉄簽迎鼠開洞百無一失耳

三下埽

下埽不可漫浪也險將至而旱地下埽者名曰等埽險已至而挑槽下埽者是謂之樓埽順埽根初下者謂之肚埽埽外護埽謂之面埽是謂二路一層沉水埽上加埽謂之套埽是謂二路二層柴上釘廂散料謂之廂埽下埽之時須詳審地勢相度情形先於堤根數尺外挑深槽即以槽內之土平鋪坦坡墊成埽臺以便捲

埽先下藏頭埽凡埽須要小頭大尾一名鼠尾埽一名燕尾埽上
 水小頭下水大頭以使二埽小頭藏於大頭之內二埽下水大頭
 又可藏蓋三埽庶大溜順埽挑開不能掀揭埽頭致有走埽之餘
 凡遇險工估計物料寧有餘勿不足每見槽規估埽一丈簰椿一
 株執此膠柱鼓瑟之論毋怪乎墊陷走埽何則初下埽簡伏鐵頭
 滾肚諸繩挽拉之但月餘即腐朽矣全賴長椿釘埽於下而受水
 廟墊中上也三尺一椿五尺一椿均可果係迎溜頂冲雖香爐脚
 梅花瓣亦可獨豫省椿木每株只銷銀二錢七分而購辦不敷用
 多則賠用少則悞此不知變通者不可言工程也果能保固要工

決無令河員賠墊之理萬一貽誤則身家性命係之司河者急宜
猛省凡鋪埽之際須用諳練埽手一名看明地勢量定寬長如埽
長十丈者即用長十丈繩二條兩頭拉齊釘扶上以為準則每五
尺用行繩一條鋪畢即拉纜子臨河用繩繫口裡面用柳椽穿纜
口畢即安穿心揪頭等繩再用小繩繫埽心將揪頭等繩挽結埽
心抱花畢後兩頭先鋪草後鋪柳少以秫秸代用鋪畢即繪行繩
齊人大上埽每行繩一條量埽大小須人夫若干名逐條安排然
後鳴鑼叫號凡埽下水頭必高上水頭二三人不等拉時須逆下
水大頭先拉兩頭然後方一齊叫號兩頭自然平整亦無橋攔參

差之病拉繩成將纓子頭用小繩挽結緊實再用柳枝有倒鈎者釘繩頭於埽內名曰埽腦子下時令靠埽者與守留繩揪頭者要聽埽子唱號急徐有度不可荒亂務使後埽緊挨前埽庶沉水後無猶洞串水潰堤之虞埽下之後未曾着是揪頭鈎戰留快須令河兵時時看守要鬆緊得宜切不可忽畧揪頭過鬆則無力鈎戰過緊則發快也埽內宜多用柳稍草纓繩纜宜緊密鍊埽眼勿多用土恐新埽未曾墊實土多即擗埽外出丟檔成險埽沉水即加廂按一丈闊土五尺廂二尺用騎馬一路探量水勢候埽平水即釘長樁釘樁宜靠山迎上水不宜陡直以防埽墊外歇即無力也

大凡墊埽之時須用大繩擗椿層層廂墊用騎馬埽身及挑水掛角處照空多補大椿土料跟隨無間晝夜防守不懈一墊定即無妨碍若下埽接頭處丟梢過大兜藏不實即成猫洞或埽箇虛處皆能串水內隄不治牽累各埽潰崖攻埽其險不可言矣惟一面清挖裂縫填序軟草一面於進水處急釘大椿多多益善加廂必層層墊土務使埽沉着沉點水不進方為穩妥若滙堤過半急都內戩而隄岨空內切勿填土只用繩兜廂庶不致擠外埽致有走失之虞凡遇此等二俱為搶險董其事者務要謹慎日夜搶護調度得宜必使人無疲困物無斷絕然後易危為安化險為平矣

四防險

防險不可玩忽也三汎之中有首險有次險焉凡水浸堤坡及埽工平墊謂之明險若稍機加廂估作防風小心防護俱可抵禦惟埽下有貓洞串水內墮埽臺依然平整堤坡先已裂縫漸至椿尖外奔水底抽撤物料崖塌埽爬墊陷無已及堤內有穽窟或凍土大塊玲瓏其間卒遇異漲之水冲刷坦坡致成內注漏洞謂之暗險搶時切不可忽畧亦不可荒亂急令善水之人入水細細探摸看貓洞在何處一面於進水埽邊密密釘大椿隨墊隨廂一面將裂縫堤坡順埽掀挖約及進水之處盡去裂土急以軟草加麥

穰豆之類迎水填塞待水流不溜再用散草順埽填塞愈緊愈妙
切勿鬆土俟填平木埽然後通身加廂穰土須外七裡三方為穩
妥搃之埽內宜軟不宜硬宜輕不宜重輕軟則水入沙停合而為
一硬重則搃攔攻擠必致內潰莫可救援諺云埽上不可下埽埽
上不可打埽是也所謂埽上不可埽者必須挑挖深槽使埽平蟄
入地捍水於外護埽於內也倘埽不着實勢必枝根潰崖埽張於
外堤裂於內也內捨不能施力而埽走矣所謂埽上不打埽者緣
埽係軟物易於朽腐加土其上久之蟄陷成坑平過頂冲舊椿爛
埽遂架其中水必乘虛汕刷補救不得其法勢必穿堤而成決口

矣又有順水埽如中間成險走失一段即將上下二埽簰釘大椿
 然後照空補埽務須細細探明兩頭有無暗椿或簰頭或馬面埽
 要不長不短適安其中始為有濟短則有猶洞長則搞擱下虛不
 能著實反成大險是補埽之不可不慎也至若堵塞漏洞更宜詳
 慎切勿着忙斷不可在水下頭亂塞恐愈塞愈大反釀成禍根惟
 沿堤細看見有漩窩即是進水之入門須探摸洞口大小或鉄錫
 或襖被徐徐塞入再用碎石順洞口四面加土成井出水尺餘然
 後再用土填入於井外加軟艸柳梢摻加埽內簰釘水內層層釘
 順防風即可保護無虞或臨河一面水溜不能施力即於堤背後

星飛買土搶築小越堤以閉其氣待高出漏洞進水之上約三五尺內外水平即不流注大河水退再用土填俟秋汛已過將大堤挖開除去病根層去層礮以資鞏固若夫串水裂縫之時不加考察及至搶險又無章程以致堤坡走漏而不知搶護倉忙而無法雖日費金有何益哉司河者與其葺籬於亡羊之後不若撒土于未雨之先也至於頂冲埽工冬月亦宜防守謂之凌汛慮其剝刷埽箇須於埽外豎木護之迨天氣融和即駕小船沿埽查看遇有水凌剝刷空虛之處即使挖掘到底至平整處止或套埽或加廂如式填平與上埽齊層層騎馬再釘長椿一入伏汛決不至有猶

洞串水之患而埽工亦不過平蠶而已孰費孰省於此概可見焉

五形勢

形勢不可不熟悉也蓋廳官要知一廳所屬全河之水勢情形汛官要知一汛之水勢情形以及堤工之高卑厚薄離河之遠近險易並有無支河引水內灌廳官每季須自源至尾閱視週遍某汛某處係埽灣迎溜坍塌岸離埽近或於對岸迎溜切嘴或於本身坍塌處砌坡挂柳此防患於未然之先縱使不能挽回亦得以緩其勢而我得從容以禦之汛官每月一查遇有此等坍塌地方報明本廳協同勘驗先期修防俾不致卒成大險有臨事周章之

患凡堤工單薄之處離河少近亟請加幫以資防守如有支河形
或現在流水者或將來出槽水溢者即便相度情形看水勢寬淺
深窄若干此河有無直射堤工俟冬末春初堵築之倘有妨礙
去大河百餘丈擇兩岸地勢最高處水淺而漫者急用乾土端坯
築成大堤俟出水二三尺方可行礮礮早則糊農不能斷流難以
成功水溜深者兩岸盤胸馬頭用物料迎溜吊纜軟胸背後跟土
填堵一名吊纜胸一名神仙胸堵塞淺水漫口亦用此法先在上
水頭打枋兩樁將大繩挽結枋上或一尺一條二尺一條繩尾渡
過對岸亦挽枋上或繫纜于小船之上徐徐鬆繩俾兜料物着地

每廟丈餘即釘簷樁數株以掬之而背後之土緊緊跟隨以閉氣
河寬則兩岸吊廟中間合龍河窄廟至對岸可以合龍合龍之後
務令背後填土斷流堤上重疊土多多簷樁方免洩氣激塌之患
仍於堤後百餘丈再築土堤一道以為後托若河形再乾惟擇岨
有高岨處將河形內草根硬物去盡先行地礮二三遍一如堤工
之法層層堅築須坦坡寬長兩頭勿陟漸坡去方無串刷之患築
成之日務尋真正老土通身蔓蓋尺餘厚行礮四五遍庶水至不
能汕刷凡堵支河土堤臨河一面俱要用防風以防汕刷正填之
後再築土堤一二道以作重門所謂不一勞者不久逸不暫費者

不永寧也

六訓練

兵夫不可不訓練也凡事熟悉則生巧疎懶則費力即如下埽然椿楸填壘土極易事耳一念及運道民生則關係甚鉅此又絲毫不可輕忽者矣平時並不講究一旦興工聽兵夫任意佈置其間少有知識者固不乏人而愚蠢不諳者亦復不少每遇大工險要之際互相窺望參差不齊考其椿埽之名件則全不知曉問其水勢之順逆工程之險易則應對茫然萬金工程依若等為保障是何異胡門而排盜乎孔子曰以不教民戰是謂棄之此訓練之不

可少緩者也訓之者耳提而面命之也練之云者按期而考驗之也每逢朔望集兵大於公所問之曰埽有名件有漕規爾其識之乎比如埽高一丈用柳幾何草幾何用腰纜幾何用箍頭繩纜幾何椿幾株扶幾段彼如實不知也乃告之曰用四十斤重乾柳一千八百束用七斤重草一千八百束腰二百套纜二百條用五十斤重箍頭繩七十條五十斤重滾肚繩六條五十斤重揪頭繩四條五十斤重穿心繩一條用椿十株扶二段十椿繫埽心要固緊抱結各繩要牢穩留扶之後要倚扶上要戴帽戰繩接結埽身勾繩接於埽外守繩細心鬆緊聽號令願填埽眼用柳三百束草三

百束無柳即秫稽代用釘樁要靠山外四裡六樁尖分研條細庶
棚架廂填張口撒物料致成險工埽未成水先於臨河一面紮一
小枕簰釘埽旁謂之挂簰以便用土堆埽平水再用物料釘廂廂
宜平整堆土要均勻埽未着實須聽樁下有響散埽若陡壘先用
大繩牽樁頭層層騎馬乃係廂之鈎鉤密密簰樁實屬固埽之根
基埽灣用順埽樓之頂冲須建堤以掩之如何塞猫洞如何堵滲
漏如何填水溝井穿如何捕捉獾鼠照依條內之法教之如
何謂之三汛曰桃伏秋如何謂之四防曰風雨晝夜如何謂之二
守曰官民協力風防怕汕刷急用防風以護之雨防怕冲淋隨時

填墊以補之蓋防怕漫溢相機加高以禦之夜防怕盜決張燈鳴
鑼以巡之官者河兵堡夫也兵夫只可防守平時若遇伏汎興漲
之水全賴民人協濟當興漲之時水溢堤埽欲加高或内外有水
欲賴墊或料物缺乏搶護少遲堤必漫決埽必漂走倉卒搶險不
可不知多集人夫就借本堤之土築一子埽外繫埽由樁住廟填
外邊多築小扶仍用繩繫在堤坡埽由內繫軟草樁土以防風浪
掀揭俟物料運到挨次廟填庶無貽誤此名曰打圍子每逢朔望
則逐條訓誨之每逢初十二十則逐條考驗之令其自捲驗試如
式者記功獎賞以示鼓勵不合式者則薄責記過以示儆戒庶實

罰明而人心服俾習以為常久而貫通卒遇險工自隨機應變協力同心凡豫省兩岸河升皆可於中遴選補用由是兵成熟諳之材官收指臂之効豈非河工第一要務乎

黃河全圖引

漢書西域志曰河有二源一出蔥嶺一出於關合流東注蒲昌海其水不流潛行於地南出于積石山海經亦云然余按之意謂積石而西河有伏流至積石始見禹之導自積石即是故歟及觀元學士潘昂霄河源記與臨川朱思本所誌皆云河源出自火坂腦兒譯言星宿海其地古崑崙山西南二十餘里至積石二家之言

俱不及伏流較西域志為可信惜其圖邈焉不傳方輿諸書言河源者數本元史即有圖俱以意為之無確証也明潘中丞印川公所刊兩河全圖其云星海者亦出於遙擬且黃漕並列未免牽合以致北平近通潼關太行竟峙河畔令觀者更為茫然迨余游學河署靳文襄公延周竹岡繪河圖分黃漕而為二卷其黃河圖始於龍門以及於海吾友竹岡沿流歷覽得形勢極真圖成進御其本余嘗熟悉之第龍門而上尚未知形若何也通來余客甘肅幕府見前陝輿圖復西往寧夏出莊浪塞經中衛渡河者十餘次每循河澍必登眺審度於是積石東之河形亦畧具於胸臆而

河源究竟難問也歲甲申四月天子命使臣拉席使西域訪河源出湟中塞閔三月而返湟中返則別乘蘇山逸遣畫工從行者繪圖呈撫軍意與使者復命之圖無異此河源真本矣蘇別乘之書曰歷番帳七十七處計程三千三百里雖經歷部落未得其詳然覽圖中標記已可約畧其概余因舉元季潘耒二家之言較之出星宿海而中無伏流說相符合所經陂澤山川今之番名與元史迥異且絕無所謂崑崙山者豈今昔之番名亦有不同歟大都西域之人盡隨水草居鮮定在又無載藉傳世山川之名隨傳訛原無足怪惟於圖形為可信也何也積石至底柱自禹迄今河形

不遑城外之流尚細又多巒岫峽峙亘古以來其無變異也必矣
余既獲河源真本思積石以東余夙有考訂因彙就一圖似可補
從前所未脩也嗚呼東西萬餘里猶約其形於尋尺之中何異管
窺天蠡測海哉或者如李成之寸馬豆人雖不得其鬚眉盡致而
神情未嘗不肖耳此圖位置不能按悉道理然考訂再四諒不亦
甚逕庭夫周竹岡之畫及全陝方輿并河源使者此三圖皆不易
見之本余得彙而約之使大河全形展卷瞭然亦可謂奇觀矣嗚
呼天子神聖明於治河屢定方略將永奏成平之績又遣使探
訪河源因西域各部莫不向化遂將窮源探本報命甚速想

內府河圖必有善本更不知若何精確也獨草莽之士欲廣其見聞奚由得窺中秘耶今為此圖聊以脩有志博覽之參考云爾時康熙己酉年仲春留塾張鶴生書

河性第一

靳大司馬揮軍皖江擢樞河道問於陳子曰比來河決數處濁流汎濫故道淤為平陸國患阻漕民苦墊溺河害於今亦大矣治之數年罔效豈河終不可治乎余不敏茲奉督河之命敢不竭力荒度子盍為我善之陳子曰河之形有古今之異河之性無古今之殊水無殊性故治之無殊理千古治水者莫禹若也千古知治水

之道者莫孟子若也孟子曰禹之治水水之道也傳曰順水之性也又曰禹之行水行其所無事也所悲於智者為其鑿也肯哉言乎洵深得治水之至理者乎漢常觀人世萬端或可騁機巧或可事矯揉或可任粉飾猶得掩耳目於一時能虛名於後世若水之性一定而不可移而黃水之性尤奔注而不可遏挾沙而不可停且至與淮合流之區絕無山林阻峙更散漫而不可約水是機巧於此無所騁矯揉於此無所事粉飾於此無所任唯有順其性而利導之之法耳故孟子云行所無事為千古之至言為千古神禹之知已也大司馬曰疏濬決排無非事而曰行所無事何也陳子

曰所謂行者疏濬排決是也所謂無事者因其欲下而下之因其欲潴而潴之因其欲分而分之因其欲合而合之因其欲注而注之因其欲紆迴而紆迴之一順水之性而不參以人意焉是之謂無事也大司馬曰水之橫決矣豈可竟順其橫決之性而遂為之治乎陳子曰不然今河之橫決水非河之本性也猶人之拘於氣稟蔽於習俗以致蕩佚為非而曰其性本惡也豈其然哉夫河之所以決者皆由黃水瀑漲下流壅滯不得遂其就下之性故旁流溢出致開決口及決口既開旁流分勢則正流愈緩正流緩則河因以停河停淤淺則就下之性愈不得遂而旁決之勢益橫

矣若曰河性喜決此豈知河之性者哉大司馬曰然則河之性若何陳子曰約而言之則曰就下分之言也則避逆而趨順也避壅而趨疏也避遠而趨近也避險阻而趨坦易也漲則氣聚聚則不能洩則其行乃怒怒則氣裒裒則不能激其性又沉流逆則性能挾沙土而俱行勢集則性能懷山陵而駕上土能制之即縷崖可抑其狂風能助之遇警馳並張其勢故禦之得其道則利無窮若禦之失其道則害莫測善治水者先須曲體其性情而或疏或蓄或束或洩或分或合而俱得其自得之宜雖有所事究歸於無事也 宋神宗曰後世以事治水故嘗有碍以道治水無違其性可

也此與孟子之言似有合焉至所云能順水所向遷徙城邑以避
之此猶未知水性而不明順之之道也水之性豈必欲向城邑耶
水之所向輒徙而避之非常決也如徐州以上三門以下土鬆地
闊則寬其途以讓之而水性以安徐州以下城邑逼近於河所宜
嚴其防範東流刷河以趨於海而河性亦以安然則寬之來之皆
所以順之耳孔子繫易曰天道虧盈而益謙地道變盈而流謙無
非麗於地者也其道之變遷必由於盈而流利必歸於謙也盈也
壯也塞也謙也虛也下也故下無不下孟子論水深得於孔子之
易道者也故善治水者惟其盈而防其變唯於謙而導其流水自

得其性矣水果為鴈於世者耶大司馬曰善子既深知水性其盍
為我圖之

審勢第二

新大司馬問於陳子曰子言治河必順水性其要何先陳子曰必
也其度勢乎今者諸患並作若不先度大勢之輕重緩急而務其
重者急者猶欲振衣而不知所挈也雖然重鼎之患又非可以患
處治之也必推其所以致患之處而亟圖之是非熟審焉不可如
有患在下而所以致患者在上也當溯其源而塞之則
在下之患方息譬如足病只知擦足而不探其足病之所由來雖

投葑百劑勿效也不獨勿效病且增劇諺云下流處塞水缺愈塞
愈大此之謂也又有患在上而所以致患者在下勢在下也當疏
其流以洩之則在上之患自定譬如困賊於圍中而不開一面以
分其怒以緩其憤則將激其必死之心一旦潰圍而不可收拾也
故上流應洩者先湏於下流疏之此又釜底去薪之法也由是觀
之非歷覽而規度焉則地勢之高下不可得而知水勢之去來不
可得而明施工之次第亦不可得而定也黃請為公跋涉險阻上
下數百里一一審度庶宏綱克舉而籌畫乃可施耳大司馬曰兩
河之形勢載籍可考繪圖可稽奚事親覽為陳子曰今昔之患河

雖同而被患之地不同今昔治河之理雖同而弭患之策不同故
善法古者唯法其意而已若欲憑載籍以治之何異按圖索驥刻
舟求劍耶大司馬曰然是固當觀厯也而子言治河之理今昔無
殊則審之說亦有所昉乎子其為我詳言之陳子曰禹貢首言隨
山刊木與高山大川非審而何至來四載尤先事厯覽之徵也周
禮考工記曰溝必因水勢防心因地勢善溝者水瀨之善防者水
淫之訓詰之家衆矣先輩唯以王昭禹註為得旨其說曰溝所以
導水不因水勢則其流易壅防所以止水不因地勢則土流易崩
故為溝者必因水勢之曲直則其流斯無壅矣為防者必因地勢

之高下則其土斯無崩矣是以善溝者必瀕壘之而無所壅以固其水勢故也善防者必淫液之而無所決以其因地勢故也又按說文淫者浸淫隨理也徐氏曰隨其泳理而浸漬也凡此者何莫非揆度形勢以治水之謂歟惟是勢之為言亦不一矣有全體之勢有一節之勢論全體之勢者識貴徹始終見貴周遠近寧損小以圖大勿極一方而悞全局寧忍暫而謀久毋慮一時而遺患他年地有高卑有險易土有淤鬆有燥濕其應鑿應塞可行可止必完其患之故以為揆本之謀必得易於施功之法也以成夫為下因川之計是皆舉勢之全而審度之也若論一節之勢如水弱必

省以上體節用之至意陳子曰不當用而用之謂之不節若當用而反節之恐後至費倍也公曰閱涑水編年寧不知唐劉晏之理財乎足國而不厲民三代以後能理者莫有過於晏者也考其造運艘置倉庾凡諸工計寧寬無刻寧增無減其意蓋始製不惜物可經久後圖修整亦易為功是經始之多費者正以省費也設初估苟簡勢必草率而易壞一壞之後不能復修勢不更張而重構則其費不更多乎故深于為國計者不可圖一時之省用而貽旋脩旋壞之虞不可顧目前之易完而致垂成垂敗之咎大凡估計寧留有餘以待節減甚勿先為苟且之計以至因小而悞大者也

陳子謂靳大司馬曰大工告興不可以惜費用公其亟請發帑乎
大司馬曰今者三逆甫平需餉尚緊臣以體國不愛乃其分也河
工修築惟當節省是務陳子曰否否適千里者三月聚糧治河之
役與治軍無異庀材鳩工非時不辦亦猶用兵之必先料其倉庫
轉其芻糧也若干饋糧士有饑色樵蘇後爨師不宿飽皆言糧厯
者知其軍之不振也今興大工倘資用不繼則諸事罔濟昔人云
驚乏粒易牙不能炊空柯無刀公輸不能斷蓋此謂也夫河之於
國計民生所係甚重其與軍政正復相等未可以軍旅為急而視
河工為緩圖也大司馬曰帑固應請但錙銖皆黎庶脂膏省當又

束之使其勢急其水強必瀉之使其勢平水勢傳緩宜引之使直
水勢猛急必紆之使曲見水勢衝射而難遏必築上流以遏之使
之滌泗水勢盪滌而可用即合其流以導之使之洗刷此皆因勢
之說又隨時隨地而酌之者也苟不知勢用力多而成功難若審
勢以行水則事半功倍如孫臏之救趙庖丁之解牛均是法也
治水者尤不可不神明其意焉大司馬曰余聞子言不異讀書十
年也於是治裝與陳子遍閱黃淮形勢及諸決要害因條壽河十
疏次第上之

估計第三

彼有司之浮冒估銷以圖浸漁此不肖之甚者法必因懲若以多
估為已嫌以樽節為迎合雖賢者恐亦不免殊不知大臣公忠為
國當計其大者遠者不當於常用而節之以留國家無日之患并
累蒼生復惟漂溺之灾悞國殃民不幾乎因苟減一念基之乎可
不慎哉大司馬曰言誠是也諺云日費斗金不敵西風一浪以公
私有盡之金錢而填此無窮之巨壑天之生水利為人多不圖黃
水為害至於靡已也不深可慨也夫陳子曰噫公之悲天憫人意
良善矣然亦翬於成說而未之思耳國家終年出入以千萬計大
半皆以農兵今時當治平未聞以糜餉而遂弛兵備也至河工歲

脩之類設二十餘萬不及兵餉百分之一即另有疏築大工歲增亦不踰數萬奈何獨以為黃河耗財耶況王者以天下為家其城郭河渠猶家室之棟宇溝洫也百金之家構一屋每歲必有塗茨脩葺之用豈富有四海而惜此整理山河之費乎且水有清運必經於河國脈流通利濟匪細是又費小而益大也方今當寧軫念河患一以冀安昏墊是圖凡有請發無不允給仰見廟謨宏遠則任事臣工宜體此意何沾沾惜費為哉

任人第四

大司馬曰銓曹需次者紛紛赴工以冀進用可盡錄之于陳子曰

營邑需才舉事需人彼欲用命而未安可不錄然不可濫錄也常
慎之於始而已夫水土各鍾非可優遊坐致也暴露日星拂風木
雨躬胝胼忍飢寒其事固非易任矣若膏澤純禱之子寧可共茶
茗踈進趨利之徒不可與厯艱辛倘假情濫錄不獨貽悞大工且
或一時未能委事若輩逍遙河上蜂營蠅集何所不作如易於題
叙則開倖進之門如過為遏抑必深聚怨數公私交敗誹謗布騰
其害可勝道哉甚矣不可濫錄也大司馬曰既需人不錄之可乎
是不可無遴選之法也陳子曰然工之倣也必有司董其役而地
廣事繁之處非一官可辦若條分縷晰具位庶察亦未足以任之

則効力者之在所必錄也至於選錄之要仍當首之並理之有司
必先究其素履驗其才力審其邪正擇可錄者保而中之於公然
後親為驗視而錄之而試之以事試而不稱即黜然并得保者試
而稱事由細而鉅歷委以試之於是堪大任者出矣夫苟有成效
必為薦拔俾出身者奮勇而聞風者蓋鼓舞矣此古用人之法也
要之始貴慎其選擇繼貴嚴其考覈終貴信其賞罰自可收任人
之效而又何有失人之患哉大司馬曰親為驗視之一謀而耳安
能定其賢否耶陳子曰孟子不言乎聽其言也觀其眸子人馬廋
哉蓋應對舉止之間其人之智愚敬忽大略可見矣

薄亦不可不審也故命將者福將為上才將次之勇將又次之何則夫福厚者必得氣厚也其為人大抵皆堅凝持重謙謹安詳奉上必誠恪也任事必周密也待人必寬恕也臨則必慎重也其臨危急之時值艱險之地乃能鎮定而不驚好謀而克濟也故曰觀人者必觀其心而觀心者必觀其氣也大司馬曰子言觀人之法我試行之若勸懲之道誠在於賞罰矣我聞古人云賞如山罰如溪者何謂也陳子曰如山云者確乎其不可拔也昭其信也又山重也所以明不睦也如溪云者淵乎其不可測也示可畏也又溪深也所以明不寬也是故賞罰者居上之樞機作事之綱領也信

實必器自可以驅天下之才而成天下之務矣雖然猶未論其本也從來治法固行於治人而治人之本尤在居上位者端之於己焉公身膺重任所貴敬以臨之也勇以任之也明以察之也勤以率之寬以期之信以要之恒以守之也備此七者又矢以實心徵以實事將各執應響如腕運指庶司執事有不從風而偃者乎予以悍火災禦火患何有潢乎此更有請焉等臆度之論又不若經厯之言之親切而已試之也故凡田大老復有所陳說皆宜採聽以脩參詳此不任其人而任其言亦任人之一端也虞帝好問好察邇言取於人以為善故其治乃大命意立說必欲出於已而後

快自私我見之未知安可以謀大事成大功哉大司馬曰昔哉言
乎余敢不服膺焉

源流第五

大司馬問曰同一水也黃河流湍急濁挾沙而行易淤易決與他
水異果其源有殊歟陳子曰河非有異於他水也中國之水惟河
源為獨遠源遠即流長長則入河之水遂多既多則其勢安得不
涵湧而湍急哉況西北之土性浮鬆遇湍急之水則遂波而行於
是河水遂黃矣嘗聞秦人之歌曰涇水一石其泥數斗今按渭流
亦濁不獨涇然也他如燕地盧溝之水其色確似黃河故俗稱渾

河晉之沁汾諸水亦濁可知西北之水不惟黃河挾沙也再考河自西域而來其流雖濁不若汴梁以東之甚昔賈讓之中策欲引河灌田邱文莊以經濟名於時亦不察其弊而建之謂古今善策無過于此者殊不知今日汴梁以東之河若引以灌田則禾苗必盡被沙難矣烏可以灌乎即川潘公之治河去今尚近其所著河防一覽多中肯綮後之議河防者必當奉為金針雖所言險要近多變遷事宜亦有遺漏然元賈魯之後深明河務者潘公為最也今稽其疏有曰黃水所經土最鬆昔禹導河入海經河南者止郊縣孟津鞏縣三處耳當時之水未必如今之濁今自河南郡之開

鄉起至歸德郡之虞城止凡五郡全經其地故平時之水沙居其
六一八伏秋沙居其八此豈無確據而言之歟可知河之濁也至
河南而始甚也明矣漢嘗溯河之上流唯寧夏靈武等處至今猶
引黃流以資灌溉寧夏有漢唐二渠俱設以節蓄洩水早有備民
皆賴之然定制每歲清明起工按產挑濬至立夏畢事方理農工
有司董之永以為則也由此觀之上游之水當不甚濁然猶每歲
必得疏濬不然溝渠亦淤無所為利矣又按元臨川朱思本所述
河源較為詳確其言自星宿海發源行數十日水猶清淺可涉而
渡又行數日水漸渾濁則河源本清與他水無異不並可信哉是

其挾沙而濁者皆由經厯既遠容納無算又遭西北沙鬆土散之風流愈疾而水愈濁濁則易淤淤則易決河之濁非本然也而謂河性喜決也不更大誣乎尤可嗤者昔籌河建議欲於塞外鑿渠導之北流入於北海勿使經中土謂既可阻隔華夷又可使中土永無河患論者莫不竒其策祗惜途遠工鉅難成耳未知其有大謬者叢見其說不覺啞然失笑也何策乎爾夫河之自西域來若無他水入之止此一水曲折得數千里其勢必衰安能為中國患其所以為患于中國者大半皆由中國之水助之也設導西域本來水行於塞北而域內之水自湟洮而東若秦澧渭涇汭之水皆

之汾沁梁之伊洛潞澗齊之濟汶洙泗其間山川溪谷千支萬派
之流未易更數凡西北之水安得不匯一大川以入于海哉矧河
防所懼者伏秋也伏秋之漲尤非盡自塞外來也數秦隴黃豫深
山幽谷層冰積雪一經暑雨融消驟集無不奔走注于河所以每
當伏秋之候有一夕而水暴漲數十丈者而水不能洩瀉遂有潰
決之事從來致患大都出此雖使河源引而行之塞北烏能永無
中國山水暴漲之害哉大司馬喟然而嘆曰噫彼論河源者率多
傳訛今聞子言可破一切訛響之說矣

防隄第六

大司馬曰論治河者莫不以分殺河勢為言乃故潘印川之說先以隄防為事予今力宗之願聞其詳焉陳子曰河患於異漲之際誠不可不殺其勢若平時其淤塞而致橫決之害也更不可不合其流是合流為常策而分勢為偶事也設專務於分則河流必緩緩則停沙而淤淺愈淺愈緩愈緩而愈淤不日而故道俱塞河既不得遂其就下之性勢必傍冲而四潰矣故潘印川曰以人治水不若以水治水也蓋隄成則水合水合則流汎流汎則勢猛勢猛則新沙不停舊沙盡刷而河底愈深於是水行堤內而得就其就下之性乃克安流耳所以治河者必以隄防為先務也且考

隄防之繕由來尚矣非是潘公始禹貢曰九州既陂陂者隄防也
慎子曰治水者茨防決塞雖在莽於翟相似如一學之於水不學
之於禹也解之者曰茨防即今黃河之埽也淮南子曰狼狽得埽
防而弗去緣解之曰埽者水搏也防土形也埽當作𡵓與滕同凡
此所云防者非堤而何大司馬曰余聞宋太祖有云夏治水但言
導河至海隨山濬川未聞力制滿流廣營高岍自戰國專利埋塞
故道以小妨大以私害公九河之制度隨隳歷代之患弗弭論者
悉推為知言今之隄防非所謂廣營高岍力制滿流乎且曰力制
則非順性矣而子以隄防束水為順其性乎其議何居陳子曰善

治水者惟順水之性非縱水之性也譬之人性本善率之即謂之道然易曰閑邪存其誠又曰義以方外閑與方者非多方防閑之乎惟多方防範而本然之性乃全是防之者正所以順其性也倘有人而任情縱欲以為率其本性此放誕之言其叛於聖人之道也遠矣治水亦然縱之而就下之性反失防之而朝宗之勢乃成此潘印川以堤束水以水刷沙之說真乃自然之理初非矯揉之論故曰後論河者必當奉之為金計也大司馬曰禹貢所謂九澤者乃施之于溺水之澤非於道川者言也今導川而祖既廣之說毋惑乎人之尚未釋然耳陳子曰川澤雖有異議古聞每多互文

昔賢引經定案原不拘泥近說况今日只論隄防之果當與否亦不必論人之賢與否也若因禹貢無既陂之文而今日合修堤內亦宜毅然行之况稽古有徵乎潘印川云禹時之河經於中州之地甚少必不若今日之濁故可分九州以殺其勢於以知古之流可緩而今之流斷不可不汎也此又古今之異勢難以執一而論也大司馬曰子論甚快余固無疑禹貢所謂陂者坡也土披下而襄側也此非淺崖之岸乃坦坡之堤後人以騎可登謂之曰走堤即是坡也蓋堤防之制其底必倍廣於頂則水不能傾之古人陂之言而作堤之法以備洵言簡意便也至考近世隄防之名不一

其去河頗遠築之以脩大漲者曰遙堤遙河之許以束河流者曰縷堤地當頂冲慮縷堤有失而後作一堤於內以防未然者曰夾堤夾堤有不能綿亘之規而附於縷堤之內形若月之半者曰月堤若夾堤與縷堤相比而長恐縷堤被衝則流遂長驅於兩堤之間而不可遏又築一堤橫阻於中曰格堤又曰橫堤堤防雖多出此數者其作堤之法遙堤去河遠必相地勢因高而聯絡者其餘隨河流以防範焉取土須遠堤根之土築必旋挑旋夯近堤取土則堤不固土厚方礮則渠不堅也築成驗工雖試灌水不滲便為堅結然雖驗之法務於連晴之後其雖須細直宜下使若輩無

弊可作倘雖粗而搖宕之則貼簋之土先實水亦不即滲遂被掩飾矣驗時宜細察也遙堤之外離堤取土之地即可成小河以資運料縷堤過流樁觀埽所不可少若頂衝險工尤必用護埽場也堤工插柳可脩捲埽堤根蓄草亦是禦波隨時地宜皆不可不喻也大司馬曰子言堤防詳矣若異漲之時何以殺其勢乎遙堤去河頗寬若異漲之時溢至遙堤河寬而勢亦自殺是雖合流而分亦寓焉所患者三潰並漲耳二潰者何黃淮及山東之漕河也每年水漲或黃漲而淮不漲或淮漲而山東諸水不漲或淮與山東水漲而黃反不漲抑或有漲於春者有漲於夏秋者三潰不並

田一經黃水所淤水退而土即墊高次年必獲倍收損益亦正相等要之設減堤則遠堤可保無虞保堤則全河可冀永定減堤與堤防又相為維持者也雖偶有暫時之害而實收久安之利安得謂之齔民也哉

疏濬第七

靳大司馬曰東河趨海固以隄防為急務豈疏濬竟不事乎陳子曰疏濬烏可竟廢也夫隄防束水固為行所無事設之不得不疏濬也又有因時順導之法而不以人意叅之庶不悖神禹之道耳如有潰決之患先宜截決口兩傍掘溝下埽果定其根俾決口不

為厲民也不知減堤之費節制之兵也所減有準則不若堤壞漂溺無算也審利害者若均之有害必就其輕者焉譬之子弟縱逸即當裁抑其受困苦者無幾若不為節之而至於踰閑越矩將放僻邪侈靡不為矣其陷于罪尚可言哉此養癰之害所以一潰而莫可救藥也夫減堤有天然之制必至異漲之時方有減下之水若漲少退減即止矣此出于萬不獲已為保護全河於異漲之時計方設是減堤非若戰國曲防以病鄰國也且遙堤之外近有運料小船減下之水將從小河洩之亦略存大禹疏九河之意耳設有淹及民田之時不昇遇旱逢澇之災田之低下者罹之也然低

漲尤可禦也惟是一時而三潰道皆漲焉其勢遂莫能禦若無以
 預為之地一經泛濫其害何可底止是以遙堤之減水堤斷不可
 不設也當其無事人有議減堤為虛設者及減水時人有議減水
 堤為妨民者此皆不知金河之事宜而好為局外之論者也夫減
 水之設譬如居室者雖不日接賓客而几席必設供具必備偶有
 賓至處之泰然苟几席供具不備一旦賓集其何以待之勢必倉
 皇莫措矣有遙堤而不預設減水堤萬一三潰並漲而末由少緩
 其勢遙堤一潰尚可救乎兵可百年不用不可一日不備減堤之
 說何以異是或曰減水洩水大似以鄰國為壑毋怪乎謗者之謂

致日曠也若既決於旁流則正流必緩故道漸淤若止塞決口而不濬故道則水將安適水無所適而決口之流漸集漸逼而水勢愈急愈望其適合不幾難哉疏濬故道又未易言也故道灘淤盡竟如平陸乎其浮沙塗泥灘汀淺水一望瀰漫欲事畚耜何所措乎少為開掘水即隨之滂沱水冲焉能深廣甚矣人之疏濬未易言也嘗再四圖維而知以人治水誠不若以水治水之為得其道也是以欲濬故道者莫若將決口之下故道淤廢既截微流溯決口之上游相度地勢別開一引河直通故道夫故道淤處免截微流則河底涸出漸可施工止須開濬深濬數道餘不必盡挖也係

上之引河既成，決溝復掘，然後併力下埽，以塞決口。及河流涵湧，勢力加猛之際，遂開上流引河之口。黃流方際，莽怒有一道以洩之，勢必直注引河，而直趨故道也。故道已開，深溝水有所容，必且沛然莫禦，而停沙淤淺之處，便可隨流而冲刷矣。河流既歸故道，而決口之勢自減，因而再併力下埽，決口斷無有不合者也。於是知築堤而水自可制，沙乃以築為疏，而疏且本於築也。又常知導流而埽方可塞，決乃以疏為築，而築又原於疏也。凡此皆知其所以然之故，而不外乎以水治水而已。故導河者，鑿河之形，人力所成，十之二；引河之勢，水力所滌者，十之八也。若以河患委

托天意此任天而不任人者固失聖人範圍補救之道以河工全
憑人力任人而不任理者尤為小智穿鑿意見之私也大司馬曰
海口淤墊河流不暢潘印川所謂無可施工惟當築堤合流道之
冲刷則海口自深其說自也但近年黃淮入海之道較昔漸狹豈
竟可無事乎開歟陳子曰唯唯否否夫海口浩渺洪波滔天欲事
疏濬誠難言也然而河流挾沙海潮逆上安得不墊况傍岸回溜
尤易傳淤故以今較昔沙州出海九百里而海口漸狹勢使然也
若終不濬則下流必壅而欲上流不決烏可得乎是濬之之法亦
不可不講其法於近海兩岸之內各開一引河掘土即培於引河

外以作縷堤其受河流於入海處且緩啓其口俟河形鑿成又必
常河漲之時方啓其口引黃流分注於其中以趨於海初似析河
而三耳將中隔之沙渚駕犁䟽之其沙必隨波漸削久之合三為
一則海口遂開廣矣此亦非全用人耳而半水力以成之者也若
曰海口竟不可以施工潘印川之說不無漏議焉大司馬曰子之
論真可補前言未盡之旨矣至運河淤阻非人力不為功子有何
妙畫亦悲言之陳子曰南北槽水皆入於河間有河水暴漲反入
於漕之時謂之倒灌一經倒灌漕必淤淺如黃運退而清水下注
便可刷深亦可待開濬也惟慮清水旁洩力不能刷而黃水灌入

則漕不得不濬矣此人力之必需者也濬之計量土方以估工費自有常則然計土方而論又不若聚夫而計担隨挑隨給尤為便捷是以敏於事者因時度地酌而行之至於河身廣狹淺深之宜又必計水之大小流之緩急量其水方度其消納以定之待舟楫通利淺者亦可漸深潮汛停淤深者行將漸淺水無定形工難終已歲修額設良有以也

工料第八

陳子曰謀事者人心也赴力者人力也儲財者資財也濟用者物料也夫謀慮未精不足以成事然徒謀而人力不助則託之空矣

貨財不貯不足以圖功然財聚而物料不脩則緩急亦無濟矣故
欲籌河防則土力與料物不得不熟計之也大司馬曰考古塞河
之役動發數十萬今則不然近河州縣有歲脩額役之夫若別有
大工興舉又隨時召募有司董之義民率之功竣罷去似較古法
為便今之力役豈尚有未善者也陳子曰修舉靡常屆期調撥恐
有後時之慮州縣額夫既有數何不如丁銀徵料解銀河庫不
時催覓以免民夫起解及在工守候之苦無間晝夜晴雨皆須查
視方可不時搶救向設有守堤之夫役慮無節制難保無疎虞也
河工原比於軍法請即以軍法行之凡給食赴工之夫盡覓為支

餉守汛之卒設千把等官統之以弁領兵以大轄小一如心之與臂臂之使指如此則節制既有責成而防禦庶無疎虞所慮者一法立百弊生每見營卒多開虛糧武弁役使無聞而練習缺然矣河兵流弊恐亦如之若設則私役缺則虛冒不幾名存實亡乎所宜預立嚴禁勤為查點以杜弊端然此所設之卒為防守搶救之計也若無鑿渠築堤起建大工非募夫不辦其法非可計工以論也惟制府定其經界酌其高深量其尋尺凡或築或鑿皆以土方料之命監司核則估計經費若干然後監理有官分脩有官盡界派工領費募夫以從事焉至於募夫濫而無稽者也必慎擇義民

亦計土方取值於官官復散值於夫其帑不至於虧空工之必期
於合法全視乎義民之得人與否此在自事慎重選擇也胼胝畚
鍤晴則可作時則陰雨則相聚食其晴時所餘之資恐不足償雨
食坐靡之費役夫乏食恐致渙散也土方之外當量並以陰雨之
食給之此又不可不預計者也夫搶救防守若役卒有定制疏塞
興作又量役以募夫較古之撥發誠為無擾而易集事也惟是精
於釐弊善於奉行則不在治法而在治人矣大司馬曰儲料濟用
欲有利無弊又當若之何陳子曰埽柳葦霖近河頗饒惟需及時
採運貯於各險至樁木來自浙江梵石採於南河諸山而灰磚釘

缺志事陶冶其間若因公擾民剋價肥私物既不能符式料丰屬
於虛靡其弊正不可以枚舉矣祛弊之法所當勤其稽覈信其懲
究則弊不致太甚也而其要尤在預為儲備不使緩急無稽此為
肯綮之至論也若夫碑石之工以墊底深厚幾層為固下埽之法
以簁椿入土多尺為堅碑石用灰以沙練若灌灰漿者盡屬粉飾
埽用柳州貴實以土若少鬆浮者尤易漂流凡此皆賴實心任事
之人實力佐理耳至瀕海業蕩阻河東漲有日廣之勢其有裨於
料良非纖細必宜設專官理之凡造報之蕩取造河易運者責取
虛衷以作大工其餘皆聽民領管也或歸竈戶或起灘租裕公之

中勿得豪強無忌憚為弊至於運載物料皆係木石柴草糧粟之物非借水勢船又何能搬運致遠向來修築及伏秋搶救俱封拿商旅行舟夫封拿客船甚為害民自不必言且倉卒之際急欲拿舟商旅風聞逃避往往有料無船以致束手莫救小災而遂成大災矣是以疏請將河卒徙贖銀兩內動支特造浚柳舟四百艘分隸八河廳營各撥兵目為之催督駕運永著為令則緩急運料有濟不致遺誤險工且拿舟害民可以杜其弊端此更有利公私急需行之者也

因革第九

靳大司馬曰潘中丞之治河去今為近其規畫可法者固多抑有
與今異者歟陳子曰治河之理千百世不易豈有明季至今而異
也惟是水之形勢與世推移而險要遂異流行亦殊則規畫固
不同耳即如明弘治間河決荊隆口潰黃陵岡山東張秋鎮幾沒
於河乃在曹單莘縣築大行堤障之嘉靖初年河漸北徙濟寧魯
橋以下河道淤墊二十六年河復決曹縣四十四年決沛縣之龍
雲橋逆流東行逾潮入朝陽湖東平州平地水深丈餘萬厯十五
年又決荊隆口長垣諸邑俱遭昏墊是明時山東每有河決之患
長垣一帶堤防正要自本朝來徐州以上堤固流深絕無所虞雖

防難而險要已甚矣。再如運北河口。明萬厯間。猶在徐州北。岨黃漲時。輒灌入古岡。華等開動。至於墊禁。開啓閉歲。加挑浚。殊費經理。今北運口漸改。而來黃水北灌之患永除。此皆今昔之水異者也。再者。運河南口。明時例。謹閉通濟閘。糧艘過淮後。每歲六月初。即於閘外築堤。以遏黃流。霜降後。黃水消退。糧船回空之時。方啓凡一切南北往來之船。俱於五堤盤過。潘中丞叮嚀告誡。以為此例。斷不可易。及本朝。來五堤俱廢。通濟閘口。今復改制。迂迴其道。以接受清淮。若高堰加脩。淮水不致東洩。得以全力敵黃。則黃水自不倒灌。此不過黃之堤。永不必築。即廣濟一閘。似可不用。而南

北往來之舟楫無復再事盤剝矣此今昔之不同也夫高堰為全淮保障自漢末陳某創建至明初陳瑄大葺潘中丞又加築高迄今猶兩河關鍵但堰之迤南周橋一帶潘公不加築脩其意慮淮水大漲時藉以洩瀉迨我朝流水之處漸次刷決以致淮水東注遂有清水潭之大患今若不得周橋一帶接建堰堤則清水潭之決口終難以塞此明時可不全築而今必堤防之者也然全築之固所以蓄淮水以敵黃顧黃異漲而不為宣洩則堰終須難保此減水壩之必不可不洩者也潘公留越城周橋之餘地以洩淮漲熟知流弊致津海之患今按築之以補其缺陷仍置減水壩以神

明其宣洩之意。又今昔方略之不同而同者矣。明萬曆時北運河猶出古洪口。屢塞屢改百餘年中。運口十改。迨東遷至皂河口。雖明所苦呂梁洪諸險皆已不經。倒灌之患猶或不免。今康熙二十年間。皂河口又順道而東十五里。出張莊。運口遂免倒灌。而運艘尚經由黃河二百八十餘里。不無絳挽之弊。風濤之厄。某已於九里岡一帶黃河北岸之內。開運料小河。將來因之聯絡開濬。汶沂之水。直近清河縣上流。從仲家莊入於黃河。則北河之口愈趨而下。不特黃流倒灌之患永絕。而漕艘過淮出南口。運不上二十里。即入北運口。可免脫風濤之厄。與絳挽之勞。利國儲而息軍。

力不無有裨此更古人所不及計而今漸為規畫者也其他如明
季慮睢水直射泗洲有妨陵寢特築歸仁遙堤以捍之使睢水北
入于河也今睢水已盡南入于淮正可助淮敵黃而歸仁一堤不
甚扼要矣又嘉靖間於黃河北岍王家營東衝開草灣河奪黃流
十分之七至赤晏復歸大河是時清江浦喜河北徙恃以為安當
事者或議塞或議因之而濬紛紛不一今已全淤濬塞均不可議
矣此皆因革之大凡也要之水性本動而黃為尤甚變更遷徙原
是無常固難刻畫古人成跡而治之也惟是可信者理可守者法
有事則順理以調劑之俾弭其害無事則守法以謹防之俾安其

常一日如十百年亦如是即河有因革而理與法安有因革哉

允

善守第十

斯大司馬曰河之為患終古不息豈遂無一勞永逸之策乎陳子
曰宇宙間萬事萬物皆有變更固不獨河為然也試觀城郭宮室
有數千百年不傾圮者耶即如常人廬舍猶須歲為葺治若不及
時綢繆飄搖風雨所不免也凡此靜業尚不能不暇況水屬動者
乎水而依山或不挾沙猶不速變若黃自中州而東容納既多流
於平曠之境又挾沙以行欲其不變安可得乎故一勞永逸之說
治他水或可言而獨難言於治黃也雖然黃之不能常治究人治

之不能有恆耳蓋致害之端無不地於九微而成于急急也是以
嚼火不息至於燎舌蟻穴不塞至于沉寃其所由來者亦甚微至
防河者果能察機遠慮杜漸防微一人之理千百人其一心以行
之十百年遵其法以守之少有冲決即捲埽以護之少有滲漏即
速築以阻之少有淤墊即束波以滌之少有泛濫即量減以洩之
時時防閑在在檢飭自可消大患而為小患弭小患而為無患欲
其久安無長治也何有無如人事之不能有恆乃勢使然也或始
勤終怠或顧此失彼或選官罷去或疾病死亡有一官而論已不
能必其有恆矣十人懷異心各主異論或勤惰不同公私各別或

冒安而忘危或也新而歇舊種種無恒河患隨作則自衆人而論
更不能必其有恒矣人且無恒心而欲河之有恒也不難哉惟
得公忠大臣深明河務者朝廷信任不疑俾之久於其職督率屬
員惟懷永圖再簡賢能副其官講習有素即欽天監太醫院之員
皆專習其事自必熟諳其理庶幾陳畢繼治而協心蕭曹相承而
寧一將奠定之功克守一年即可得患于一年克守十年百年即
可得患其年矣獨是守之要不特遵其成法又必通其神明故不
姓更張而為守者更有隨時變通此又願為守者其人之何如耳
嗟嗟天之生才而或未必用即用而或有間阻又或不盡其才此

其間則有天焉若曰人事既已克修而天意尚有難必是為流俗之言而非深明治河之理者也

雜志第十一

靳公蒞河于時黃水決者數處而楊家莊之患為尤大河溜盡歸決口北流入海正河淤淺漕不能達宿遷以東北岾民田皆成巨津陳子不為淺近補救之計不即塞決口先道南淮口從清口暢流以滌下流入海之淤淺使故道已䟽然後溯決口之上游從南岸開鑿引河引流入於故道既得䟽通河水已半歸故道於是決口水勢稍殺陸路接脩巨埽塞決是時一埽之大如陵阜約值千

金數百人挽之以填諸決而決口河流奔湧尚且掣埽漂去有作
埽之良工立埽之隨之沒於河人皆股栗戰束手無策矣陳子復
酌多開引河以分水勢水趨于故道斯決口之流大緩矣漸可築
塞然後將及合時一夕水漲復報潰開官吏工役莫不相顧失色
以為此工必不可成也惟陳子鎮之以靜徐曰偶值水漲耳俟水
少退仍塞必可合後竟如其言若非陳子之明諒之力欲決之塞
也難矣黃流之倒灌北運口其害也非一日矣明時厯呂梁抵徐
州進鎮口湖北運每年黃漲時即逆流進閘歟至淤塞因立法俟
清進口即閉閘禁行止至深秋水退方為啓閘放回空之船然而

撈落之工究不能免迨漸敗而東至皂門口進北運河雖脫呂梁諸險然濁流倒灌猶未免也新公甫督河駱馬湖口已經淤斷漕運無由北達危急異常陳子即相度水勢建議創挑皂河二十里復挑支河三十里由張莊運口北上於是黃流北灌之患方息其故何哉蓋以運口愈東則地勢愈下北不從上注下以順入于河而黃水不能自上而下以逆入於清也況至張莊運口又北接駱馬湖之水合流入河而力更足以敵黃即少為更定除數百年倒灌之患非深得水之性情其孰能之

南運河自明季以來漕船俱出甘羅城之天妃閘初時閘口過

近黃河之大壩，便易倒灌北運口之倒灌為尤甚。淮安一帶運河遂至淤墊，每年冬李必興大工挑濬方可濟運也。且黃水既倒灌入於運河，則黃水不能暢出清口，以至高堰水勢日增，不被淹為甚。大陳子建議改進太平堤，迂其途以避黃水，內灌或黃強淮弱之年間，有倒灌黃水勢退，清水暢流，將淤泥衝刷，仍不致墊淺。漕運河可無阻滯一轉移間，省民力財用無算。上濟漕運且保高堰之危，杜下河淹沒之源，其在無幾無形之中也。清水潭者，在高郵之北，運道之所必由者也。淮水東潰，將堤防盡決，數十里畧無畔岸，沸波衝激，旋為深淵，故曰潭也。初時清船經此輒被漂

洶運道中阻勢在必脩然塞之必隨水而瀉屢脩屢潰茫無津涯
估工者計費百萬訖無效也新公既督河道在所必理陳子周視
形勢遂估計其費以為十萬可塞也監司以下皆不願任其事謂
前估五十餘萬今估十萬費省十之八烏能冀其有成哉於是陳
子躬自治之陳子知清水潭之患由於高堰迤南潘印川畱越城
一帶未築留洩淮漲及洩瀉日久成河九道其流不可遏由高郵
河直冲而東遂成清水潭之患也陳子先將越城一帶接高堰而
築之既漲黃水北行蓋出清口以敵黃而清潭上游之勢頓緩水
便減退則易為可矣陳子又計潭之中最深若必欲徑直築堤潭

深未易填也乃濶潭而築稍迂其道就其淺處施工而其勢又易
矣且他人視此工甚險謂必以竹筏載石下之或謂以舟載石沉
之紛紛妄議陳子以謂制水者土也止須土築乃就近岝淺處漸
次運土築兩堤於水中約築半里許兩頭填住將水庫乾即於兩
堤之中挖土接堤再築不特取土不遠而河且深矣又築半里許
其堤岸水挖土接堤一如前法漸築漸挖而清水潭數十里之間
竟成長堤兩道運行乎其間永無漂溺之患故今謂之無事焉亦
神乎其技者矣後之治水誠不可不奉為章程而會其意者也
北運口河改至張庄難免倒灌之患然溜船自淮出清口溯流而

上尚有一百八十里之遙重載逆水固屬難行而黃水之湍急於
徐州之東為更甚每船過黃增僱短絳必須二十餘人而日行尚
不過二三十里若遇暴風水漲不無有漂泊之虞淺洲淤沙更驚
起駭之累故漕之過黃多費而且懷憂良以大阨也陳子因修建
遙堤乃於宿遷以下如七里溝上渡口諸處取土建堤即間開運
料小河因而規度於黃河北岸之內另疏一渠瀉北運河之水從
欄馬起至仲家莊止凡一百八十里就運料小河連而濬之擴而
深之所費頗節而中河之運道成矣使漕船出清口止於黃河行
二十餘里過清河縣即仲家莊聞悉由平水以北運永免黃河風

波之餘。省棹楫之勞。又可速於僭程。不悞漕限。運丁之感頌。惟呼至今。口碑載道。嗣後每年漕運。從無少阻。至于民船北上。因離黃河止二十來里。小舢舨舟皆直達於通州。裨國便民。非可言殫。洵哉中河之避百世之利也。凡此疏築大工。皆以靳大司馬言聽計。從即為建白。更仰賴。

朝廷聖明。乾斷允行。方俾膚功克奏。然陳子皆智紆籌。澹弭災鼎。利其經世之學。誠有不可泯沒者也。

漕運通清江浦。必由新莊閘出。太平閘而新莊之南。另疏一渠。由七里閘亦可出。太平閘每年大板由新莊閘者居多。其故七里閘。

者以脩新庄閘之弊或欲修造則由七里閘也其年正議修新庄
閘遂由七里淮水暴漲漕船逆上七里閘甚難一日止過三船
漕院羽檄來相催促為河政之悞漕也奈漕口水勢甚急切不
能飛渡新大司馬有憂色陳子曰是不難也當夕下片紙諭有司於
七里閘之上游鑿數涵洞引水出於閘之下不日涵洞成閘口水
頓平日夜漕船過數十艘矣留楚張氏目擊其事驚嘆不已因問
曰何以鑿涵洞而平矣陳子曰閘上鑿洞則水洩而勢緩閘下得
涵洞之水則水急而勢平豈尚慮閘口湍急難過哉留野曰噫此
真得水情者矣而子之筭亦神矣淮郡之東武朝者黃流所經

之地也。一曰報其武廟此乃舊決口今復潰開斬公不覺失驚
 陳子曰無慮也請往視之及相視而歸共問其害若何以必需急
 塞也陳子曰不可塞不數日後自塞耳人有并其言尚疑信半參
 也無幾果報決口之水退出其潰處已塞矣留堊張氏更為驚嘆
 復問其故陳子曰人以為此為舊決耳水從未決而上流者若欲
 由真武廟決而下行地多陵阜水去必不能暢其性勢必返仍歸
 於河況黃水挾沙決而不能暢流其沙停墊於所決之處行即自
 塞矣無待人力也是時淮民不知陳子不塞之故但聞其言曰決
 將自塞未幾其言果驗民遂有河伯降生之謠也以上二條雖無

關於大工然陳子之論深得水之性情可以為後世法特附誌之
亦舉一隅之意云爾

辨惑第十二

留堃張氏問於陳子曰近來河防致患之由大率黃水倒灌入於
淮也淮既不得入清口勢必東溢盡淹高寶諸州縣黃水分洩入
南運河則出海之勢自弱於是沙停水滯而上流方決之患遂作
矣此患之不清而費以不資也以愚計之莫若竟塞清口使黃流
直注於海再將淮水順其性而南入于江以應孟子排淮泗而注
之江一語俾黃水分流則永無倒灌而諸患之源可弭矣惟是清

船北亦以白消。以出豈可竟塞乎不知國帑之費於河工亦多矣。愚意漕船竟洪南北兩班南班之船運至於淮即由六埧交盤北班北班另造小樣之船於黃河受載車送通州省每歲河工之費以為增造漕船及二班分運之需亦不甚遠而淮泗水運患可息民得安土而居豈非澹災之一策乎陳子曰子能通計黃淮形勢及漕船大略而發為此端亦見子留心經世之學特未知近代黃淮亦曾分流矣元時運道漕船由江入淮由淮順流出廟灣口從海道北運是淮原未嘗與黃合流入海而元時河患仍未息也明時平江伯陳瑄始增修高堰開清口導淮入黃漕船溯黃流浮

汶衛諸水而北上是時防閑得其道不獨河無汎溢而漕亦克濟
是元分淮黃而患仍作明合淮黃而功已奏由此觀之水患之不
息豈僅因淮黃之相通哉黃淮自中州而來至彭城以下河流愈
濁及將入于海又日有兩潮逆其流若無清淮從而滌之則海口
尤易於淤平江伯引淮入河同趨於海正欲滌海之於淤也譬人
食稠糜必易於哽咽若漱以清茗有不利喉而即下者乎留壅曰
余竊以為分淮黃而導之乃順其性耳元時分流而患不息或別
有故今聞子言可知黃之入海有藉於淮余之議姑存之以備參

下河淤塞近大河馬疏請築長堤二道障各減堤之水直達於海
議者詰然以爲築堤於地面架水而行非水由地中之意耳且河
形既高則田反在其下被淹之田渚積之波安能歸於堤內以洩
入於海耶聞其說者皆不能無疑長堤之策也留堊張氏聞其說
而問難於陳子陳子曰子亦知下河之何以議開乎夫下河高寶
興泰七州縣之被淹也非淹於雨澤之過多實淹於運河溢出之
水也夫溢出水由高堰而來白馬汜光諸河不能容運河不能
洩乃溢注於下河源不窮也若無一渠以達之海則日積於七州
縣之區矣此七州縣之所以被淹下河之所以議開也若止雨澤

淫潦而欲洩之則源有廟石碣車塲范稻諸河且在又安用別治
一渠哉今人不明開下河之故而漫然為局外之論是以有堤高
於地之惑也須知七州縣之地其形如釜西近運河地勢因西為
而東下東近海濱又東高而西下此范公堤以障海湖為百世之
利也倘鑿渠以東通海不特減堤之水不能逆上而出將海潮且
溢而入矣今再四籌畫不得不於淮郡之南高郵之北築長堤以
護減下之水向東北就下而行由滕隴港以趨歸於海也果將減
堤原原之水遂不入流而田中之諸皆屬無源不難日就涸竭也
彼謂曰水入不能入渠為疑試問開下河為洩田中之水乎抑謂

洩減其水而開渠也又何疑田水之難洩哉 陳子既定開浚
中河之後八益無濟成之利而僅慮創鑿之難耳惟竹岡周氏以
為黃流與中河密邇相隔黃之泛濫莫測或決入於中河恐致合
為一渠終非可久之策問難於陳子陳子曰子之慮誠遠矣然而
河防之計其可信以垂久者惟有謹守之一法也倘䟽於防範即
相越數千百里而患將反之若勤於守禦雖止隔一縷之堤而可
以持永久如清江浦運河與黃止隔數武耳而幾百年來穩保無
虞民居列市於堤上前門臨運河後戶逼黃水尚處之泰然是未
可以兩河相近為疑也

靳大司馬為義友竭忠王事盡瘁捐軀思臣死生仰顧

聖慈推恩分卹以慰幽魂以勵草野愚忠事臣一介寒微厯蒙

皇上天恩拔擢於康熙十年由學士陞授安徽巡撫大凡外官自

州縣以上有刑名錢穀之責者必以聘士協同料理名曰幕賓臣

於是時留心訪求未得其人適有浙江錢塘縣儒士陳潢者遊學

京師偶與臣遇見其狀貌魁梧器守凝重舉止語默咸秉以禮臣

遂聘以同行併令教臣子焉然臣亦未之奇也徐而察其學問似

排章句保其言語之論悉本性情臣亦未之信也乃自抵皖署後

臣與之共食為旦朝夕討論政事始知其識見明敏而深厚其才

肆應而由。臣不禁愛之重之矣。臣撫皖六年。適當軍興之際。陳
潢之禍。益實。然此六年之中。猶為臣一人之私藉。而非有所宣
力。國家也。迨康熙十六年三月。臣復蒙

皇上天恩。陞任提河。當兩河敝壞之後。前覆轍頻仍。聞者心驚。見
者胆落。無不以畏途視之。雖報効有心。而施設無術。亦豈能無憂
惶悚懼之念。潢即毅然告臣曰。遺大投艱。豈能無懼。但能實心力
行。則天下無不可為之事。正可藉此以報

君恩。即潢草茅下士。素有志於當世之務。而未獲進身無由。建白
亦可以相佐以報

朝廷以平素志臣於時一聞潢語瞿然自驚隨應之曰子能助我
宣力王事以報

君恩亦何敢再蒙身家之慮哉於是矢志同心黽勉協力出則隨
臣荒度經營入則偕臣料理文告凡所以筭土方核浮冒科料物
圖節省之處纖毫無遺如是不避寒暑無分晝夜與大工為始終
者十年有如一曰故臣得以時遵

聖畧竭蹶從事俾兩河復歸故道潢與有功焉偶蒙

皇上命臣治河臣復以禮聘潢與之同事是潢之盡心於臣猶臣
之盡心於

皇上之朋友之所當然耳臣亦何敢將陳潢妄瀆

言

天聰結是人工之內如開河築堤募夫辦料設法催餉釐奸剔弊鼓舞人才不避勞怨不畏強梁臣之力所能心之所能盡者陳潢不過助臣盡瘁而已原無足異者若其發前人心思之所未聞微臣智慮之所不能者則有五大功焉一如下河七州縣從前被淹人但知高家堰衝去決三十六口因而不能堵塞清水潭之故而不知前人尚留翟家壩二十餘里與成河九道之處以往滔滔下注不捨晝夜清水潭遂成降國清口內灌無休而下河遂成巨津被災十分矣潢乃建堤盡行築堤塞河以敵清口之黃且創設減

水堤逐漸宣洩以保高堰之堤工始得減下河十分之災為一二也二如清水潭旋塞旋決末次勘估須帑金五十餘萬潢乃建議棄其舊口移築堤工於湖內改為永安河節省帑金四十餘萬乃得永免潰決而保安瀾也三如前次甘羅城運口逼近黃河之水內灌淤墊山清高寶之河道每年冬底必起大工民夫挑挖以濟新運不無勞民傷財耳潢乃建議改進太平堤以避黃水內灌黃退旋即冲制仍舊永無淤墊迄今十餘年免民夫挑挖之勞歲省民銀萬金也四如康熙十七年冬駱馬河運口已經淤斷新運無由北流之急非常潢乃建議創皂河二十餘里地皆沮洳陷溺應

期而後復挑支河三十里以避黃水再無淤墊之患使漕直達
天次也五知

聖德愛民一策原題不過欲洩減堤之水以利民田潢乃建議創
挑中河以避黃河一百八十里逆流之險卹軍利漕自歷代行運
以來所未有之事也當其興工之時無論寅察不分老幼無不以
為必不能成且有涕泣以求臣之停止者惟潢信之真而臣任之
力也得蒙

皇上乾斷允臣興舉且荷

皇上如天之福百川效靈俱已成功為國家永遠之利實潢之慰

明卓見有以成之者臣不敢昧心掠之歸已以欺
皇上以欺天也臣知潢之才感潢之功不得已當

聖駕甲子南巡時蒙

天問臣以有無得人臣即以陳潢姓名對嗣因

命臣治豫問臣以有別治之法潢乃籌之晝夜議添重堤一策乃
挽減堤所洩之水以出黃河臣因試驗有素足以據實具題以此
策出之陳潢蒙

皇上不次之恩授以銓事道銜贊理河務潢深感激方將盡竭其
力以副大勅不意因此議論絲起部議革去職銜而潢亦隨病入

膏肓之疾

聖恩洞鑒容潢無他

特恩寬宥而潢又隨即物故矣今臣復蒙

皇上天恩任總河道豈不以臣向者曾効犬馬之勞耶但向者幫臣以効犬馬之勞者陳潢也是臣與潢乃同事一體之人臣幸而生遂得受

皇恩潢不幸而死臣何忍負之使潢尚在臣尤願以百口保之於皇上之前以脩驅使必有可觀潢誠不幸而死臣若避嫌隱忍是生臣為負友之人念臣染病日甚且夕難保若不及早陳情一時

風燭永為負友之鬼逢黃地下何以相見乎臣今不揣冒昧將臣友黃始末與黃竭忠五事各緣由據實直陳仰祈
察臣情詞憐黃勞績特沛

天恩准復陳黃無事道街以光泉壤不獨黃之幽魂矢報嘶環而
微臣仰荷

推恩及黃亦且免得瞑目將見天下
未達之士當必有所觀
感興起而益奮發其他日報効之心矣臣謹具
奏貼黃難茲伏祈

皇上聖鑒全覽憐憫施行臣不勝激切悚惶待

命之乎此俱

勅旨

康熙三十一年十月

日奏奉

旨該部議奏欽此